

分宜縣志卷二

建置志

城池

壇廟

公廨

寺觀



分宜有城昉自明時形如偃月因河為池屢圯屢築安不忘危設壇立廟以享神祇文武衙署用肅威儀如何公府傳舍視之勿輕小試發軔初基勿廢古刹神鑒在茲至於惇獨尤繫懷思興廢舉墜在良有司志建置

城池

舊無城明正德七年知府姚汀知縣蕭時賓始奉檄築城以詘於財力高僅丈餘厚不及三尺南濱水稍壘

分宜縣志

卷二

建置

城池

石堤列木柵其上嘉靖三十七年旁郡寇起巡撫何遷檄知府李德甫知縣戴廷忝經理築城長四百七十六丈高一丈八尺廣一丈二尺南面河岸不可城乃自河底甃石高二丈四尺上與岸平加女牆六尺舊城門四增為五東僊臺西昌峽南清源北袁峰又小北門城樓五水關二邑紳大學士嚴嵩捐貲三千金助修並記

記云昔在成周宣王中興其功烈盛矣而詩烝民韓奕諸篇於築城之事特詳焉想見其時君臣相與同心以憂天下之治所以設險防患者若是其悉也國

家承平日久比歲倭夷作難數犯浙直閩粵間所至有城守者寇不能久持卽去其無城者標掠不忍聞夫城之有無其利與害較然可知也嘉靖庚申夏四月分邑作新城成袁守李侯德甫分宜令戴君廷恣以書及城之圖來告曰願有記分宜舊無城正德壬申寇起瑞州華林邑民恟恟奔竄無所於茲始謀築城而吏苟簡從事以甃爲墉高僅丈餘厚不及三尺甚陋不稱雖名爲城實非可緩急恃也嘉靖戊午寇復起贛州遠近震恐兵部疏言郡縣皆當刻期築城惟時中丞吉陽何公遷適領巡撫江西之命日是責

分宜縣志

卷二

建置

城池

二

在我何公學道愛人之君子也下車軫恤民隱作新吏治勅所司毋敢慢天子之詔凡城若干處而分宜比舊址加闊之高倍其數厚乃三倍崇崇屹屹非復昔日之舊矣始者羣議或阻於無財或病於勞民何公親爲規畫財用取自公帑不煩民一錢之費用其力而計日受直發倉粟給之侍御史鄭公本立巡按茲土體國貞度與何公議允協旣而中丞張公元冲侍御段公顧言實來嗣任工有未竣二公又相與處畫遍觀厥成戴令者專董茲役李侯總之經始於己未冬季而以辛酉之春訖工凡費白金爲兩三萬二

百有奇夫古之君子事所當舉則不計其費知有以惠於民也役所當興則不恤其勞知有以佚於民也始也不免怨咨及其後也見德而忘其費享佚而忘其勞故曰難與慮始可與樂成若今始旣無所費於民矣又未嘗勞民民德諸大夫之賜其有旣耶此李侯之所欲有紀於民也參政王君宗沐憲僉鄭君述咸與綜理益諸君子並以宏濟之才當明天子睿謨雄斷欲興治補弊之時保衛其民求以紓當之南顧之憂寅恭奉職如此使天下四方皆諸君子若也事焉有不舉民焉有不蒙其利者哉予邑產也慶茲役

分宜縣志

卷二

建置

城池

三

之成父老子弟之有攸賴故敘其說以復李侯使刻諸石焉

皇清順治九年知縣江載清十三年知縣吳大相相繼修之康熙三年總督張朝璘守道施閏章知府李芳春各捐俸檄知縣朱鼐修葺雍正九年知縣譚獻策倡邑人重修乾隆二十三年知府陳廷枚行縣周視飭知縣楊宏綱倡邑人助修

道光十六年知府熊象階倡修袁郡城分宜分修東

城修城記畧

袁郡城郭自康熙間修理迄今百餘年城樓傾圮周

圍墻堞半皆墮壞承平日久守土者俱無意及此道光十四年大守熊公象階合四邑紳士會集酌議謂國不可一日無備城郭爲朝廷保障吾莅茲土敢任其頽廢歎諸君其量力勸輸果能捐金助修自應申請獎勵時宜萍萬三邑皆富於財北城下臨江岸崩陷數十丈工最鉅宜邑任之萍邑任西城萬邑任南城惟吾邑界袁郡之東隅土瘠民貧欲任修東城恐費難措辦躊躇莫決太守再三勸諭始勉承其事城礮徹底改造悉除舊磚易以青石上建高閣四面方三丈六尺登閣遠眺山水環拱烟火萬家歷歷在目

分宜縣志

卷二

建置

城池

四

郭門亦煥然維新傍北則自小北門以下十丈起傍南則自東門以外十丈止缺者補之壞者葺之至道光十六年工始竣計費五千餘金往來者咸謂東城之堅固壯麗較勝於西南北三城云爰志其顛末以示來茲并將督修首事及捐金獲邀議叙者開列姓名如左首事張壬袁人伯吳其燮李兆梓林爲楠趙元亨黃一鳳嚴升朝議叙鍾成器夏其蘭蘇家棟咸豐三年知府元善行縣周視飭知縣竇紹曾倡邑人重修五年知縣盧開甲任內告竣高厚周圍如舊同治年間袁州河濱旁城倒塌擇要補修

街巷附

縣前大街自城西門直達城東門

縣背街一名後街今無市

袁家巷在縣治東一百五十步

上袁家巷在縣治西一百步

新街巷在縣治後明宏治間知縣吳闌肇闢

將軍巷在縣治東

傅家巷在縣治東達北門

義井巷在縣治東元末紅巾賊亂有烈女賊執之不

污投井死其後井源愈清冽因名邑人嚴堯曰作井

分宜縣志

卷一

建置

城池

五

闌銘云皇明天啓甲子分宜南門大街重修義井治

鐵作闌銘曰天一地六水德生成仁滋義溥玉列珠

明日中爲市衆心成城泉源沸甯井甃堅貞

官巷在縣治東達學宮前

壇廟

文昌廟

廟在縣學前嘉慶六年五月丙奉 上諭仿照 關帝廟定制列入祀典春秋致祭以二月初三日聖誕為春祭秋祭另行 擇吉由欽天監選定彙入祀典

後殿祀

帝君三代遇祭期照 關帝後殿祀典致祭

嘉慶二十一年知縣黃步堂倡蓋 邑紳士於射圃舊基建廟二棟

正龕祀

文昌帝君神位

後龕祀

文昌帝君先代神位

分宜縣志

卷二

建置

壇廟

前殿祭文

嘉慶六年 頒行

維

神蹟著西垣樞環北極六匡麗曜協昌運之光華累代

垂靈為人文之主宰扶正久彰夫感召薦馨宜致其

尊崇茲屆仲春用昭時祀尙其歆格鑒虔尙

饗

後殿祭文

嘉慶六年 頒行

祭引先河之儀禮崇反本之思矧夫世德彌光延賞

斯及祥鍾累代炯列宿之精靈化被千秋偉人文之

主宰是尊後殿用答 前麻茲值仲春肅將時事用

申告潔

神其格歆尚

饗

文昌宮

在文廟前東邊西向樓上為尊經閣祀奎宿之神於樓

皇清乾隆四十六年知縣黃維

綱有記咸豐

丙辰年兵燬

魁星閣

在文廟東與文昌宮相望同建同治庚午年新塑神像移安於東門城樓上

黃維綱兩閣記云分宜廟學居城中央曩向背北面

南雍正乙巳改遷北向祀文昌神於大成門西乾隆

癸巳修葺支廟兩廡前後各有記辛丑仲春邑紳士

擬建尊經魁星兩閣於廟學右輸金有成數矣予嘉

分宜縣志

卷二

建置

壇廟

二

與邑紳士遂主其事諏吉秋仲迄冬仲兩閣傑然並

峙下一閣甃石培築與上閣稱中隔園廠均圍以短

垣復遷北向之明倫堂轉而面南事不擾而成不日

既報竣礱石請記予曰閣以尊經名當購十三經及

御纂諸經藏之期學中人為經明行修之士方今

聖天子欽明文思光被四表觀乎人文以化成天下鈴城

居豫章上遊袁江古牽水貫其中為襟帶昌鐘兩峽

石門橫鎖一江澄碧士生其閒美秀而文過斯閣不

可不顧名思義知經之所以當尊六經之文皆道也

道之大原出於天天垂象聖人則之作為六經之文

懸諸日月而不刊非人文之與天文上下昭著者歟
攷周官大宗伯以禋燎祠司中司命蓋文昌六星中
第四第五星也天官書斗魁戴筐六星爲文昌文昌
爲天府文者精所聚昌者揚天紀輔拂並居以成天
象禮月令仲春日在奎季夏旦奎中亦主文昌其星
屈曲相鉤似文章之畫史竇氏所謂五星聚奎主文
明者也先王於文昌六星獨祀司中司命者何明夫
人受天地之中以生而爲性祀司中使人知所受之
有中以正其德也人旣生而有形氣有數以制之祀
司命使知所稟之有命以定其志也夫奎爲二十八

分宜縣志

卷二

建置

壇廟

三

宿之一文昌卽北斗七星斗魁戴筐六星而司中司
命與焉先王旣在祀典後人因之以祀文昌魁星而
立閣祀廟學尤宜閣復以尊經名凡以六經皆先聖
所作天下古今之大文也舉文之精華而昌明之窮
理盡性以至於命建中於民而會其極於以上應天
象下成人文仰觀俯察以副

聖天子文治之隆文明之盛豈不休哉若夫本道家之說
謂上帝命梓潼神掌文昌府祀文昌而配以梓潼或
亦禮從宜事從俗之一端也予姑置勿論而記之如
此

關帝廟

在縣城東門外萬年橋南明嘉靖間建

皇清康熙十五年知縣林笙重葺乾隆三十四年知縣楊國華倡修每歲祭以春秋及五月十三日聖誕雍正二年奉文加享儀式與廟同無樂後殿儀亦與崇聖祠同

正殿祀

忠義神勇顯佑關聖大帝神像

雍正三年詔加尊帝號為忠義神武關聖大

帝乾隆二十五年詔改諡神勇三十九年奉詔加忠義神勇顯佑關聖大帝嘉慶十九年奉旨加封忠義神武靈佑仁勇關聖大帝

祭品

帛一爵三牛一羊一豕一菓品五器核桃荔枝龍眼棗

分宜縣志

卷二

建置 壇廟

四

栗各一酒一罇

前殿祭文

乾隆九年頒行

維

帝浩氣凌霄丹心貫日扶正統而彰信義威震九州完

大節以篤忠貞名高三國

神明如在偏祠宇於寰區靈應不昭薦馨香於歷代屢

徵異蹟顯佑羣生恭直嘉辰遵行祀典筵陳籩豆几

奠牲醪尙

饗

雍正三年奉

旨追封 關帝三代公爵

曾祖光昭公

祖裕昌公

父成忠公

勅建三公祠每年春秋祭祀

後殿祭文

維

公世澤詒庥靈源積慶德能昌後篤生神武之英善則歸親宜享尊崇之報列上公之封爵

錫命攸隆合三世以肇禮典章明備恭逢諫吉祇事薦馨

分宜縣志

卷二

建置

壇廟

五

尚

饗

城隍廟

在縣治西四十步明洪武初知縣張仁建皇清康熙元年知縣朱疏修二十二年知縣蔡

文鸞重修乾隆二十年知縣陳大經重修三十

九年知縣林邦琬倡重加丹漆嘉慶十年知縣

嵩山率衿民等募修改頭門為三閣門重加丹

漆道光乙未年知縣曾興仁重修有記咸豐丙

辰年燬於兵同治甲子年知縣錫榮倡修

祀典

每歲春秋二仲月合祭於山川壇清明中元及十月朔

祭邑厲壇則迎城隍神主之月之朔望知縣率官屬

恭謁行香守土新任先期備儀以致祭告

曾與仁重修記云道光甲午十一月余奉命來宰分
宜下車日卽禱於城隍爲合邑祈福旋乙未四月農
民憂旱偕同寅默求轉達賜以甘霖越日果雨後數
日以甘霖未徧復祈如前應之謹按縣志廟爲洪武
初邑令張仁建厥後修葺皆邑令事爰召匠役重修
廟貌塗以丹漆加以墻垣又於神棲之所建木柵長
亭視前此頗肅觀瞻士民亦咸欣以報神也夫城隍
之宜祀也誠以無事則捍災禦患有事則衛民衛兵
都人士相與禳禱祠亦理勢之不得不然者故禮
記大蜡八水庸居七庸城也水隍也說者謂卽古祭

分宜縣志

卷二

建置

壇廟

六

城隍之始嗣見於志乘者漢有吳赤烏之年號而北
齊書慕容儼傳載儼守郢城禱城隍獲佑事甚悉唐
諸州長史刺史如張說張九齡杜牧輩皆有祭文傳
於世後唐清泰中遂封以王爵宋建隆後其祀徧天
下明初京都郡縣並爲壇祭加封府曰公州曰侯縣
曰伯洪武三年去封號二十年改建廟俱如公廡設
座判事若長史狀迄

國朝則牧守縣令朔望必皆展謁偶有水旱災疫冤暴
鞠踞拜叩呼號祈請凡以尊神卽所以爲民也汪龍
莊云神不自靈而靈於靈者之心熟味尋思斯言良

是矧城隍處此分邑已享祀年久乎惟願偕我士民敬之尊之崇廟貌而長新之則保障庇倚獲福自無疆也至舊有封號為英烈王想亦前代遺封明神必不藉此

社稷壇

在縣西門城外宋邑令程邁立明洪武初制天下立社稷廟七年知縣戴備誦奉制重立每歲春秋中月上戊日縣官偕各官致祭

祭品

帛一羊一豕一鉶一簋一簋一籩四豆四爵六黑色

二帛

祭文

維

分宜縣志

卷二

建置

壇廟

七

神奠安九土粒食萬邦分五色以表封圻青二農而蕃

稼穡恭承守土肅展明禋時屆仲

春秋

敬修祀典庶九

丸松栢鞏磐石於無疆翼翼黍苗佐神倉於不匱尚

饗

先農壇

在縣城東門外雍正四年奉

旨建

祭品

羊一豕一爵三登一鉶二籩十豆十簋二簋二帛一

耕藉祭儀

耕藉日每年奉文行知屆期致齊二日祭日主祭官及各官俱穿朝服至壇先請神牌安奉壇上禮生引主

祭官至行禮處文東武西排立唱樂舞生各就位執
事生各司其事主祭官就位陪祭官各就位瘞毛血
迎神奏樂樂奏永豐之章引主祭官詣盥洗所進巾
詣神位前上香跪獻帛獻爵叩首興復位行初獻禮
樂奏時豐之章引主祭官升壇詣神位前跪獻爵叩
首興詣讀祝位跪眾官皆跪讀祝文畢俱三叩首興
復位行亞獻禮樂奏咸豐之章又引主祭官升壇詣
神位前跪獻爵叩首興復位行終獻禮樂奏大豐之
章又引主祭官升壇詣神位前跪獻爵叩首興復位
徹饌樂奏屢豐之章辭神樂奏報豐之章主祭官行

分宜縣志

卷二

建置

壇廟

八

三跪九叩首禮興捧祝帛饌各詣燎所樂奏慶豐之
章望燎禮畢退至壇側各官俱換蟒袍品服禮生引
至藉田所行耕藉禮主祭秉耒陪祭執青箱播種用
耜老一人牽牛農夫二人扶犁九推九返農夫終畝
耨畢各官率耆老農夫望

闕行三跪九叩首禮畢而散農具俱用赤色牛黑色子種
青色種照地土所宜者

永豐

勾芒秉耒土牛是驅惟神歆止蒼龍駕車念彼田疇
民命所需生成有德尙式臨諸
時豐

先農神哉耒耜教民田祖靈哉稼穡是親功德深厚
天地同仁肅將幣帛肇舉明禋厥初生民萬彙莫辨
神錫之休嘉穀乃誕執茲醴齊豐功益見玉瓚椒醕
肅雍舉奠

咸豐

上原下隰百穀盈止粒我烝民秀良興起樂舞具備
吹豳稱兕再躋以獻肴馨酒旨

大豐

糜芑秬秠惟神所貽以神饗神日予將之秉耒三推
東作允宜五風十雨率土何私

外官

卷二

建置

壇廟

九

屢豐

於皇農事自古惟烈莫敢不承今茲忻悅籩豆旣豐
簠簋云潔神視井疆執事告徹

報豐

麻麥芄芄黍稻連阡縱橫萬里皆神所瞻人歌鼓腹
史載有年歲有常典第祿綿綿

慶豐

玉版蒼幣來鑒來歆敬之重之藏於厚深典禮由古
予行自今樂樂利利國以永寧

先農壇祭文

維

神肇興稼穡粒我烝民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉爨章聿修祀事惟願五風十雨嘉祥常沐於神庥庶幾九穗雙岐上瑞頻書乎大有尙

饗

按壇壝之制會典載廣袤二畝有奇壇方二丈五尺高三尺四寸陛各三級壇前九丈五尺週繞以墻長四十五丈石主長二尺五寸方一尺埋於壇

分宜縣志

卷二

建置

壇廟

十

上正中近南二尺五寸露圓尖於外神牌用木高二尺二寸濶四寸五分座高四寸五分濶八寸五分朱漆青字祭畢藏之

採嘉靖志

雩祭乾隆七年定八年奉行每歲孟夏行常雩禮不另立雩壇卽於先農壇行禮並合祀社稷山川諸神牌位

祭文

某官

恭膺

詔命撫育羣黎仰體

彤廷保赤之誠勤農勸稼俯惟部屋資生之本力穡服田

令甲爰頒肅舉祈年之典惟寅將事用伸守土之忱
黍稷惟馨尙冀昭明之受賜來牟率育庶俾豐裕於
蓋藏尙

饗

祭祭乾隆七年定旱歲祭雩祈雨潦則祭祭城門祈晴

祭祭祭文 乾隆八年頒行

詔命臨民職司守土惟兆人之攸賴並藉

神功冀四序之常調羣蒙福蔭必使雨暘應候爰占物
阜而民安庶其寒燠咸宜共慶時和而歲稔仰靈樞
之默運聿集嘉祥表元化以流行俾無災害尙

分宜縣志

卷二

建置

壇廟

十一

饗

乾隆七年禮部議覆御史徐以升條陳祈以事宜一
摺奏准

勅下各省督撫轉飭各府州縣孟夏擇日行常雩禮或有
亢旱每七日先祭界內山川次祭社稷致齋虔禱雨
澤不得用大雩禮亦不得另設雩壇卽於社稷籍田
等處恪恭將事或淫潦爲災則伐鼓用牲祭於社毋庸於各
壇祈禱若僧道建壇諷經乃宋時相沿於寺觀祈晴
雨建置道場實非經義古制應停止 採錄

風雲雷雨山川壇

在縣東門城外

先農壇側雍正十一年奉旨修建每年祭社稷壇畢

隨祭風雲雷雨山川城隍祭品羊一豕一鴈一魚一盤一棗之屬五白色帛七爵如之嘉慶十七年頒行山川壇改為神祇壇南向雲雨風雷神位居中該境內山川神位居左城隍神位居右

風雲雷雨山川城隍祭文

雜

神贊襄天澤福佑蒼黎佐靈化以流形生成永賴乘氣

機而鼓盪溫肅攸宜磅礴高深長保安貞之吉憑依

鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣

尙

分宜縣志

卷二

建置

壇廟

十三

饗

厲壇

在縣北門外明洪武初立

鄉厲壇

在各鄉都三十五所今廢

劉猛將軍廟

在縣東門外先農壇右道光十六年知縣曾興仁建有記

會記云粵稽聖王之制祀也法施於民則祀之以死

勤事則祀之以勞定國則祀之能禦大災則祀之能

捍大患則祀之其典有五而有一如此卽爲報祀誠

以行誼必不可沿祀之乃能久也今觀於猛將軍益

信謹按神名永忠劉其姓吳川人元末授指揮弱冠

臨戎兵不血刃羣盜鼠竄適江淮千里飛蝗蔽天神

揮劍逐之須臾蝗飛境外元亡自沈於河有司奏請
崇祀歲以正月十三日及冬至後三戌日祭之卽周
禮蜡祭時也故 大清會典載雍正二年

諭各直省建劉猛將軍廟每歲守土官各具祝文香
帛羊一豕一尊一爵三陳設祠內如式朝服行禮道
光四年皖江蝗災閏七月 宮保陶雲汀制軍時撫
是邦禱於神廟適宿州之灰古堆蝗最盛知州蘇元
璐集民夫往捕但見青蛙無數食蝗且盡又烏雀數
萬名曰練朋鷗在淮西界食蝗均一日而盡旣得道
府報因以其事據實入告 聖心欽感 御書匾

分宜縣志

卷二

建置

壇廟

十三

額懸之神廟詩田祖有神秉畀炎火夫秉畀者人而
歸之於神言神之能使也然則蛙鳥之來非神之爲
而誰爲 天章揭之彰彰明已道光十五年江西

多旱蝗適爲災十六年復間有蝗患五月十七日值
陳芝楫中丞甫下車以神係前朝忠蓋猛烈爲神靈
遣百員切兼八蜡現當蝗蝻爲害全賴神力維持以
期撲除盡卽通飭各屬一例建廟蓋芝楫中丞誠
恐蟻易滋生告民實甚而驅蝗有神廟祀未徧用是
爲之亟亟也茲於分邑東關外 先農壇右得基地
若干丈爰諏七月吉日建神廟三楹越三月工竣設

位供奉祭期祭儀悉遵前式惟冀神靈不爽佑我羣
黎永無蝗患則此日守土之所以拜禱者即合邑羣
黎之所以酬報於無窮且不負芝楣中丞飭建神廟
之心並益信古祀有五而神已得其三之永宜祀也
或又曰神即宋江淮制置使劉錡因拒蝗理宗封揚
威侯是說也姑存之

忠義孝悌祠 在儒學前射圃右南向雍正四年知縣譚
獻策奉文建嘉慶二十二年知縣黃步堂
改傍文昌廟右北向春秋俱于丁
祭後致祭其祭品儀式與鄉賢祠同

元義士署本路同知彭繼凱 袁州城陷募勇破之城復
舊守嫉其功令刺客殺之
隆朝奉旨專謚

皇清諡忠愍明太常寺卿黃子澄 首進密謀尊主報國乾
隆朝奉旨專謚

分宜縣志 卷一 建置 壇廟 古

皇清諡烈愍明太僕寺少卿趙廣禹 事桂王被孫可望殺
乾隆朝奉旨通謚

皇清予入祠明衡山教諭彭允中 崇正十六年獻賊陷衡
山死節乾隆朝入祠

明京山典史張自新 崇正間統民兵往剿流賊死
于難漢嶺乾隆朝予入祀

明貢生張兆蘭 崇正十六年流賊陷袁州謀殺偽知縣
龍方捷事覺被殺乾隆朝入祀

明孝子鄉舉新津知縣朱允恭 早失父事母孝撫弟友
居官以慈惠著聲

祭文 乾隆九年
縣行

惟

靈稟賦貞純躬行篤實忠誠奮發貫金石而不渝義問

宣昭表鄉閭而共式祇事懋彝倫之大性擊莪高克

恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格

筵尚 饗

節孝祠 在儒學前忠義孝悌祠後雍正四年奉文同建嘉慶二十二年改建北向其祭品儀式與忠義

孝悌祠同

元旌表烈女陳九淵妻袁氏

明旌表節孝生員歐陽鳳妻鄧氏

貞烈陳壽未婚妻 氏

旌表貞女黃固真妻彭氏

歐陽壽未婚妻孫氏

旌表生員李慶鍾妻周氏

分宜縣志 卷二 建置 壇廟 五

旌表生員袁應藹妻趙氏

旌表袁應槐妻黃氏

旌表生員周曉妻曾氏

旌表增生贈御史黃夢龍妻趙氏

旌表黃夢麟妻潘氏

旌表黃夢豹妻鍾氏

旌表生員袁士賓妻李氏

旌表生員趙壁妻宋氏

皇清旌表張致浩妻袁氏

旌表生員張世峻妻鍾氏

旌表生員王昭鏞妻金氏

旌表貢生李搢繼室謝氏

旌表鍾琳妻曹氏

旌表廩生楊邦吉妻王氏

旌表生員黃紹中妻林氏

旌表儒童趙繼顏妻張氏

旌表生員歐陽信妻王氏

旌表南雄府經歷嚴宗期妻朱氏

旌表監生趙廷來妻張氏

旌表監生嚴宗堡妻黃氏

分宜縣志

卷二

建置

壇廟

又五

旌表邑庠生萬定琳妻胡氏

旌表傅蒂寵妻李氏

旌表儒童黃鴻譽妻潘氏

旌表宋紹儼妻周氏

旌表張文瀾妻傅氏

旌表生員嚴秉璋妻裘氏

旌表監生張宗楸妻嚴氏

旌表袁鳴鶯妻丁氏

旌表儒童嚴秉璫妻徐氏

旌表生員楊果材妻伍氏

旌表廸贈登仕郎趙至勤妻郭氏

旌表監生張文沈妻趙氏

旌表儒童趙錫穎妻鄒氏

旌表儒童吳曰庠妻宋氏

旌表儒童張宗松妻袁氏

旌表生員趙至清妻嚴氏

旌表儒童郭坊春妻易氏

旌表儒童黃立文妻鍾氏

旌表儒童夏侯綿妻萬氏

旌表邑增生朱起文妻袁氏

分宜縣志

卷二

建置

壇廟

旌表儒童夏侯瑜妻吳氏

旌表儒童宋儒璋妻張氏

旌表儒童習皆啟妻羅氏

旌表儒童習世盛妻袁氏

旌表儒童袁慎祥妻歐陽氏

祭文

乾隆九年
頌行

惟 靈純心皎潔令德柔嘉矢志完貞全閨中之亮

節竭誠致敬彰閭內之芳型茹冰蘖而彌堅清操自

勵奉盤匱而匪懈篤孝傳徽

絲綸特沛乎殊恩祠宇昭垂於令典祇循

春秋

祀式薦

尊尚

饗

忠愍黃太常祠

在縣治西新街口上袁家巷明正德十年邑人易鸞呈請以己地立祠知府羅輅知縣嚴鳳建萬歷六年知府趙惇典檄知縣趙夢日重修額曰表忠十四年知縣周應治清查墳地置祭田勒石祠中自為記
皇清順治十八年祠圯守道施閩章檄知縣朱鼎重建康熙四十五年知縣周開緒重修自為記乾隆二十三年知縣楊宏綱重修二十九年知縣楊長桂倡率邑人捐貲興修義學合併表忠祠增置張姓房舍六間三十二年知縣楊國華改題大常書院道光二年知縣龔笙重建遵旨改題忠愍黃太常祠為記按乾隆四十一年賜諡忠愍咸豐四年知縣錫榮重修

祀典

分宜縣志

卷二

建置

壇廟

二十六

每歲春秋二仲戊日有司致祭祭品用羊一豕一帛一

菓品五儀與鄉賢祠同併附祭與難同異姓諸人

祭文

惟

公學冠禮闈位正清卿堂堂大節凜凜如生忠義之府

綱常之程公論既定祀典攸行惟茲仲春秋式薦粢盛

眾靈祔食追體至精神其降鑒用副微忱尙

饗

按黃大常清風亮節彪炳千古當時禍及十族裨

官野史亦少流傳茲旁搜遠紹得同姓大常伯父

世昌伯母丁氏兄弟志忠妻陳氏子淵妻劉氏子
濡妻何氏女壽娘學清妻熊氏子真奴大常繼配
李氏子玉媳顧氏姪源童富遠文福牧童思勉杏
意雪居異姓蘇州知府姚善袁州知府楊任子楊
禮楊益業師郭汗傑子郭敬保結楊黃皮張勝成
汪彥真楊士崇姑婿兄弟趙孟昇趙仲昇外甥彭
細孩義男奴兒大常姑婿袁子良子彥輝彥鼎彥
溫女懿貞姪彥英大常婿胡彥清而已並祔食於
祠餘仍俟考今從祀者同姓四十六人
異姓五十四人

附大常祖塋祭產

分宜縣志

卷二

建置

壇廟

十七

- 一田一十一畝八分五厘計三十一坵
- 一民地折水田二十三畝九分計五十二坵
- 一花土園地三畝五分計八片
- 一雜柴杉山一片分龍嶺爲界
- 一房屋三間廝屋三間
- 以上俱在二十三都地名洲背今隸二十五都
- 一田一畝六分坐落地名九都西坑
- 一田四畝五分坐落地名大田上黃蓮樹下
- 一地一片三分坐落地名九都西坑
- 一地基一片坐落白芒秀溪臺

一西坑祖堂屋基一所計二十一間今查係澧源下
圍又門前魚塘一口

一墳山一處地名塘家邊

一墳山一處十五都地名青龍潭上

一墳山一處地名東廂店背龜形辛山七向二塚

一墳山一處城隍倉背地名剪刀坑丁山癸向二塚

一墳山一處三十五都地名黃岡嶺

一墳山一處地名范草里

一墳山一處地名賀源下賀觀邊子山午向二塚有
碑

分宜縣志

卷二

建置

壇廟

十六

一墳山一處坐落西廂地名范家巷在西門占星閣
後癸山丁向

一墳山一處坐落新齒塘下地名金貓捕鼠形長山
坤向一塚有碑

一墳山一處坐落宜春縣詔君鄉馬鞍山

一墳山一處坐落邑南小芒村圈椅形

一墳山一處十二都地名野源道光二年定案東至
錫盤坑水坑直下爲界西由碑一百四十七弓至
水坑爲界南由碑二百二十弓至高嶺爲界北水
坑直下至交水油榨爲界

一墳山一處鳳形坐落地名二班六都南山庚山甲
向二塚有碑

一墳山一處賀源五鳳形坐落地名二班六都賀源
二塚有碑

一墳山一處地名一班三都黃家坑一塚大羅圍一
圈知縣周開緒立碑

一墳山一處地名四都北坑

按黃忠愨祖塋散見宜分二邑康熙間經前縣周
清查今復重加稽考尙其共相保護云

附文

分宜縣志

卷二

建置

壇廟

十九

明侍御劉璉太常墓誌銘云黃公諱湜字子澄以貢
生登洪武十八年進士第一唱名時太祖問公幾歲
曰三十四問何年不能對乃更第三命伴讀東宮建
文初輔政言藩王權重必爲國患燕尤甚豫宜削制
庚辰七月季李景隆僨事慟哭乞誅之不聽國事日
謬於是奉密詔率夫人許氏及四子珪玉潤澤由洞
庭微服至蘇州與知府姚善倡義勤王善乃印造黃
冊編公子籍珪爲道士更名立微守公譜籍玉爲里
正更名彥修守公室家約書同死國事時歲壬午江
西族人羅織殆盡購公益急太倉武士湯華縛公詣

太倉武士湯華縛公詣南京上將釋用之屢挫不屈稱殿下左右呵之曰臣知殿下以兵力取富貴不知殿下卽寶位若用臣是不欲以綱常治天下乎上解顏曰聞卿博學善書不比方孝孺執迷短見朕將悉釋若罪公曰經史柔翰治世所用亂世將安用耶况富貴瞬息何足輕重殿下向來悖謬不可爲訓恐子孫有效尤起無足怪者上變色曰此天命所在聞汝欲借兵勝我果有之乎曰皇祖起義兵定天下殿下勇力冠世托東北大藩永衛王室而反內噬若臣內攻與殿下逆謀何異上曰朕亦不以此罪人汝以魏

分宜縣志

卷二

建置

壇廟

二十

徵趙普爲不足學則迂愚矣全引江西所錄罪人從子文福富遠輩六十五人妻族外親三百八十人齊至哀號大慟上謂曰朕知汝必不爲我用當認何罪責書於紙曰湜爲先帝文臣不職諫削藩權不早以成此凶殘後嗣慎不足法上命截其手曰汝雖不入島夷足跡已至海上復命截其足族人無大小出江西者皆斬之獨彥修爲崑山音語充解送役收骸骨從江中夜歸藏焦山數年會漢王高煦謀危宗社上乃追思公言削漢護衛徙居安樂州謂侍臣曰卿等謀國勿以黃子澄臨刑之言爲諱今甚悔之於是路

防稍弛可行欲葬江陰君山黃歇墓側守墓者不容
歷常熟皆不可至洪熙元年七月十三日葬馬鞍山
之陽公被難時年四十四天下寃之今公論稍明是
應有銘銘曰 天生忠臣孝之力天植綱常死之力
天佑眷屬友之力天護骸骨子之力死而不忘君之
力百世風芳山之力藏銘於中萬年出

太常妹追薦青詞云正統元年十月日孝妹順貞志
心皈命三境十方東宮南極陰陽神祇等言念某托
處女流痛念兄族君臣有義嗟職分之無虧天地不
容致宗祧之弗續爰申丹悃敢告穹蒼下情伏傷先

分宜縣志

卷二

建置

壇廟

三

兄太常寺卿子澄黃公二神主原命是前己亥年十
二月二十六日子時生享年四十有四歲不幸於壬
午年六月二十五日在京身故骨殖未收亡兄嫂李
氏二神主原命生於前丙午年不幸於壬午年間在
京身故骨殖未收伏惟先兄黃公讀聖人之書早登
科第授翰林之職遂擢太常膺寵九重揚名四海惟
務盡忠於國豈期獲罪於天族滅宗親禍連骨肉遺
腹有子處京師而弗歸承嗣無人將第宅而貨易於
以薦揚於祖考於以超度於弟兄特修靈寶之因普
度幽冥之苦用是虔辦香楮以今月日告投命紫薇

山上真觀道會率領法衆來莅家居修崇靈寶三朝
十回度人演經齋醮一中仰祈道力俯拔親魂事告
地盟天招靈致聖敷禮九幽之懺文洗雪厥亡之罪
垢勅天醫而完形復性命水母以浴質蕩瑕務白孝
誠少留魂瑣微求冥福正薦先兒子澄黃公二神主
先兄嫂李氏二神主附度宗親旁資孤魂伏願矜憫
褊釵之愚悃垂憐兄族之沉魂貸宅宇以修薦拔之
因丐宗親早遂超生之果盡忠報國可憐身死於幽
冥以死易生俾獲名垂於竹帛幽冥普度存沒均沾
無任激切屏營之至

分宜縣志

卷二

建置

壇廟

三三

明董匡題豁保結太常遣戍劄子云爲聖明御宇率
土霑恩懇乞聖慈特宥株連久錮之裔以廣皇仁以
光祖德事奉巡撫直隸監察御史易案驗內奉都察
院勘劄准兵部咨武庫清吏司案呈奉本部送兵科
抄出巡按直隸監察御史田題前事等因該職等復
看得君義臣忠天地無逃之分宥罪賜赦聖主解祝
之恩况忠錄先朝恩宏近代此聖明之世所亟欲推
廣而遍及之者先臣兵部尙書齊泰丹衷炳日正氣
凌霄當運際乘龍敢諫陳叩馬全家化碧九族編戎
至今談革除往事未有不憑弔之者當仁宗御極曾

聞肆赦放還往皇祖登基業已優崇恤錄且皇皇聖
言有謂泰食其祿自當盡其心又謂忠於建文原以
忠於大祖等語真可謂九原華袞異代榮施矣獨是
泰之媼親族黨如楊保員駱應朋等四十五家尙淹
行伍未及寬政爲可憫耳雖一丁存衛仁祖已宏優
恤之仁而尺籍未除迄今尙煩勾補之令夫此纍者
囚者非真有自作之孽莫贖之辜也駢首就繫原以
成聖祖之太平而濺及餘波自當徼皇仁之蕩漾况
事同一體情屬株連彼旣以泰故均被震霆茲獨不
以泰故而共徼愷澤使臣民歧視而形迹尙存反之

分宜縣志

卷二

建置

壇廟

二十三

聖心必將隱痛此亦不能將順者之過也諸臣籲訴
堪憐御史陳情最悉皇上纘承先緒繼述斯皇培萬
古之綱常植人心之忠義當有一觸目而惻然者懇
乞聖慈俯垂憫恤除楊保員駱應朋二家免勾其原
戍四十五家止存三十八姓見存戍所一體豁免如
願回者准給印照發回原籍不願回者給與免帖聽
入民籍當差該衛所衙門將編軍底冊除名不許妄
行勾攝至於黃子澄與泰同此忠行戚屬當年遣戍
如株連楊黃皮同遣者四百餘人今已零落銷亡不
知有幾矣并乞行彼處撫按查核盡數除豁庶乾坤

無偏造化聖澤無偏榮枯上以述志事於先朝下以
鼓忠貞於今日此亦皇上御極以來懿美善政臣民
所願舉手加額者也敢因按臣之請補牘題覆伏惟
俯賜裁察

天啓元年閏二月兵部尙書崔題准欽遵抄出到
部咨都察院轉行巡按御史欽遵施行將該縣忠
臣齊泰株連姻親族黨原戍四十五家除已絕五
家又除楊保員駱應朋二名免勾外其見存戍所
三十八戶一體豁免其忠臣黃子澄戚屬楊黃皮
等遣戍四百餘人今零落銷亡一併移文江西清

分宜縣志

卷二

建置

壇廟

二十四

運道令各該衛所盡數查豁以昭聖明解網之恩
等因到司移咨到道行府照劄事理轉行所屬衛
所盡數查出申道覆覈批允開豁

明學使邵銳太常祠記云維我皇祖開天統壹海宇
紹植人紀文廟入繼大統於時忠烈之臣以靖獻於
皇祖若太常寺卿分宜黃公視九族若鴻毛尙暇計
一身耶又暇逆冀後之闡揚振厲俾英聲義概與天
壤爭不朽耶公益可謂純臣也已惟我文祖儷美湯
武惟我諸彥庶幾夷齊嗚呼懿矣小子弗類正德庚
辰承乏江西視學爰檄有司祠以享公用彰道化袁

守羅君輅邑宰嚴君鳳從而繼之邑博潘君廷憲與士民之良者樂而相之樹堂三楹翼以兩廡負幽向明規構實善妥靈之朝邑子咸集顧瞻咨嗟高山仰止勃然同心彰往勸來不可無紀故不敢以不文辭作祠堂記

明邑令周應治太常表忠祠祭田記云愚嘗觀漢文帝赦李布之罪而知英君誼辟其度量豈不超越尋常也哉文皇帝之言曰使練子甯在吾且重用之而語請戮周是修者曰彼食其祿各盡其心竟舍之不問莊誦此語文皇帝其儼然漢高之變歟而激勸之

分宜縣志

卷二

建道

壇廟

二十五

微權寓矣嗣是洪熙之初仁廟特賜赦於四民穆廟登極遂詔秩諸公崆峒李公之視學也則祠祀練公於金川二泉邵公之視學也則祠祀太常於茲邑予守官於此每展先生祠下慨先生苗裔不留秩祀之外無以奉時祀者適先生之七世遺孫雲自金陵持牒來歸而予謀以居之飼之無得也則又慨然矣會縣治重修得羨金五十兩乃爲置田三十五畝四分地三畝五分以備時祭之需庄舍三楹以居耕佃又爲給牒復其身照生儒例使朝夕祠下以安先生之靈且識諸產坵段於碑之陰以杜後人之私相授受

者脫有之卽以盜賣官田不詢來歷之罪罪之凡此
蓋亦飾體列聖勸忠之微意竊附李邵二公好德之
盛舉也作置表忠祠祭田記

國朝邑令周開緒重修太常祠記云太常卿黃公膺儲
君師保之重承太祖顧命之隆節烈芳聲忠貞懿行
旣昭明國史彪炳寰宇而世系源流慘罹顛沛又見
於列傳詳諸碑銘矣爰考明成祖於漢王謀逆之後
追想公言旋已悔悟然僅得稍弛其禁至隆慶時始
邀詔復官秩表忠崇祀是蓋精神之不能久鬱而會
報明禋允昭定論也因公後守墓崑山隨立祠墓

分宜縣志

卷一

建置

壇廟

二十六

其分宜專祠則爲督學邵公所建時有四明周君應
治來令於茲會公六世孫雲告請復籍賫牒回里周
君爲之查復其祖塋基產又以修理縣堂之支剩公
銀五十兩爲置祭田三十五畝零并地三畝五分零
主守管業以綿祭掃不意雲竟乏嗣祀墓無主歷今
百數十年棟宇傾圮頽垣斷砌徒存俎豆虛名衰草
寒烟幾矣邱壠舊跡良可慨焉予始至瞻拜公祠相
顧愀然因念公凜凜忠節扶植綱常爲人倫儀表使
祠宇蕪穢以褻祀典是亦有司之事何敢以職微祿
薄物力維艱爲諉用是勉捐庀材以爲首倡益以勸

翰設法而構成之雖艱基地舊貫不加而廟貌聿新
威儀有赫庶上足以仰副邵公創建遺意至黃公所
葬祖墳山并基地田畝率皆散處各鄉越雲回籍復
業以迄今茲年遠世隔多爲隣近所侵甚至有毀滅
舊碑冒爲祖塚而續葬其下者竊念先賢祖墓允宜
防護安可以無主之故任其侵消恐日久湮沒難稽
謹就萬歷十四年周君勒誌各地名逐爲清理但誌
載簡畧稽勘茫然幸賴老成好義留心舊跡者從予
跋涉歷爲指點始克有所依據免致混淆仍有志所
未載而爲里民舉報者並得清出茲予告請歸養未

分宜縣志

卷二

建置

壇廟

三七

克竟事深望於來者之有心焉

國朝邑令龔笙改建太常祠記云自古忠臣義士有其
謀而志不獲展雖百折不回卒底滅亡而不之悔者
孔子所謂成仁孟子所謂取義蓋生不如死死猶愈
於生也嗚呼有明靖難之役可慨已當建文之在東
宮也謂公曰諸王尊屬擁重兵多不法奈何及踐阼
之初公遂建削藩之議旣而周齊湘代諸王自罹天
罰燕王獨倔疆莫制彼其時太祖之謀臣宿將略亦
盡矣公於倉皇之際因舉李景隆可大任迄自溝濟
南之敗請正其罪公雖始闇於知人而終明於執法

惜其君忍弗能斷至令拊膺於大事之去豈盡薦之者之誤國哉且夫量錯蒙難而國賴以安馬謖伏辜而刑以之立公之謀國也同於錯而事卒無成公所請誅者亦如謖而權莫能制此正公之痛心疾首而無如之何者議者乃以成敗計之尙足與論世也耶公沒後文皇以高煦之變亦稍悔悟至萬歷時建祠於邑城之西額曰表忠閱世旣遠當事者輒以講學無所更題曰太常書院予下車伊始拜公之祠竊以稱名之混未足以奉俎豆薦馨香也又見棟折衰崩益非所以妥神靈維名教也亟請於府改建之報可

分宜縣志

卷一

建置

壇廟

二十六

謹遵

欽諡忠愍以顏斯祠並考當時之與難者咸祔食之昔人稱鄉先生沒而祭於社禮在則然而况如公之昭大義於天壤者乎而况如有司之籍以正人心維世道者乎是爲記

袁嘉慶讀太常傳論云世之論齊黃者悲其忠有餘而智不足故自取殺身之禍而好事者反被以誤國之名也嗚呼冤矣當高皇帝時諸王各擁重兵建文之在東宮也曾於東角門以諸王權重之語語于澄矣高皇帝修力行間智勇天錫灼知齊黃之可任也

故不及身而用而以遺子孫建文嗣位委以心膂之託而與參帷幄當是時定鼎三十年天下規模已畧定矣朝廷之憂惟諸王權重爲可虞耳然則高帝曷不制之於其始與曰勢有所不能也開創之初不廣建親藩無以屏翰王室高帝逆知其事之必至於此而無如勢有所不能也暨長孫踐祚諸王擁叔父之尊慮無不帝制而天子自爲者齊周代皆庸人燕王驍悍異常不終於人下削之反不削之亦反所爭祇在遲速間耳而謂齊黃誤建削藩之策以激燕王之變此闇於時勢之論也當日之事幸而成則齊黃爲

分宜縣志

卷二

建置

壇廟

二十九

建文之功臣不幸而敗則蒙晁錯之誅建文之事幸成則爲景帝之誅七國不幸而敗則不免於亡國此又遭時之不幸天意之攸關而後之嗷嗷於齊黃者俱以成敗論英雄也余故悲太常公膺禍之酷而爲之論次其軼事不能不三致慨云

邑選貢袁汝璧太常論云齊黃事建文朝主議削藩而燕王反建文帝因失天下稗官野史襲永聞實錄之舊紀事持論俱失其真

國家大修明史力爲駁正其爲忠臣固不待言而獨惜子澄當日所以處置諸藩謀取燕邸實多未盡之處

不能無餘憾也方建文帝嗣位燕王挾雄武之材快
快在北所謂削亦反不削亦反者不待智者而決矣
爲建文帝謀者借省方之名親巡北岳以待燕王來
朝而執之若漢帝之僞遊雲夢襲取韓信可也不然
假備邊以出師會兵保定出其不意徑搗北平乘燕
之無備而取之若晉人假道伐虢以滅虞可也又不
然待其既久親率大師以臨燕赦其脇從之罪廣播
宣諭之文若宣德時所以制漢庶人高煦者亦可也
何有始則輕發其機速燕王以亂謀繼則遣將不審
長畔逆之雄志哉且當日諸藩之智慮絕人控制不

分宜縣志

卷二

建置

壇廟

三十

易未有過於燕王者也欲罪燕則惟燕之是圖何於
燕之手足而翦削之廢一周王而諸王環顧而起矣
遣張昺用謝貴豈能執燕王者長興之敗九江之荐
作之紛紛胡不於其始而圖之童牛之牯豨豕之牙
其難易得失爲何如謀國者竟昧於此耶燕世子等
之入臨也拘之以爲質可也昔陸賈說尉佗曰足下
親戚昆弟墳墓在真定奈何欲以區區之越與天子
抗而尉佗遂入貢所謂制其死命也燕王縱驍悍未
必不倦倦於父子遣歸而使彼不疑曷若不遣而使
彼不敢反也燕父子復聚非天贊之實人賜之耳吾

觀建文君臣謀議迂煩而明不足以見斷不足以決故雖挾天下之全力而終至於敗子澄每以漢七國事爲言然景帝之所以處置命將者當不如建文君臣之迂且疎也烏乎士君子以身負艱鉅之任非明不能審幾非斷不能集事子澄爲建文帝忠臣表表大節無庸置議而於事會間經營規畫不無遺憾有如此後之謀人國者可以鑒矣

林有彬讀明黃太常墓誌銘感賦序云乙酉秋余從蘇買舟游海上夜過崑山以未得一拜黃忠愍公墓爲恨抵南匯廣文顧君愔量出示崑山邑乘中有侍

分宜縣志

卷二

建置

壇廟

三十一

郎劉公璉所撰墓表卽萬厯間雷揭出地中碑文也誌內述文皇親鞫時誘屈百端公抗辭質直至斷手足無異詞見危授命大節攸關而郡邑志所載原銘削此不錄明史本傳亦闕載豈當年恐觸時忌故節其文耶輒流連灑涕而著於篇曰西宮火熾孺子死叔父乃居王之宮削與不削等反耳龍潭之盟奚由終先生臨刑禍獨慘戚族連坐根株空四百十人戊且死日光黯黯雲靄露羅織綱密踪跡變軼事誰與留寰中洪熙侍郎劉公肇鐫之大石埋坵壠初公就縛致闕下親鞫不屈真英雄盜竊神器亂世事經史

柔翰將奚庸魏徵趙普非所願恨不早削羅殘凶書
罪猶存春秋筆堂堂方鐵殊從容肝腦摧裂手足斷
高皇可報抒以忠踉蹌襪見故主君臣地下相追
從公子夜半負骸骨浮江潛匿焦山礮高煦之變禁
稍弛輾轉乃歸崑之嶺馬鞍山固窀穸藏銘那復
尋潛踪越二百年經萬歷蔣乾爭奪連黃熊申侯鞫
勘臨其穴地中雷吼聲碎辭青氣一縷出西北蜿蜒
直上如游龍劃然土裂成潭洞浮提翁仲心忪忪山
嘯海沸神呵護此碣乃與人間通靈光不滅貫星日
如勒寶鼎鐫鐘鏞上之大史奏天子煌煌祀典千年

分宜縣志

卷二

建置

壇廟

三十一

崇彬也與公同閭里徒有弔古心神忡櫂舟午夜過
崑麓恨不酌酒澆龍菴鶴灘廣文號博雅慷慨追述
炯雙瞳一緘封固寄示我臨風雜誦摩心胸重之不
減古今石精魂大筆彌蒼穹史書闕畧傳聞異斯文
有據開贖聾願書萬本告桑梓千秋奕禩傳無窮

趙祓次林雅成讀大常墓誌歌元韻云侍郎秉筆硬
如鐵敘事恍接天寶宮何年崑山一片石鬱靈理烈
不長終當初大常擬文山義在君臣諸藩空天高日
燿國有主肯容雲矐與靈霑乞誅不誅將軍李忠憤
慷慨密詔中國難方將仗狐劍險冒關河梯邱隴湯

華大倉匹夫耳縛虎有力困英雄丈夫矢死惡足惜
回天力絕嗟無庸不殺叔父仁亦得燄熾宮薨何殘
凶神器莫保柔翰力斷手割足殊從容趙魏作達一
家物建文鴻號詎無忠天涯何處孺子王可憐碧血
臣心從一時四百有十人十族株連拖長纜寒雲黯
慘冤鬼哭秦淮東逝鍾阜隆能作蘇言便蘇人天憐
孤子俾潛踪艱險歷盡藏遺骨大節貞珉紀黃熊高
煦信見尤而效公死公言如搗薛國定幾人難磨滅
子澄子甯念袞龍何物蔣乾干正氣當官裂地人心
忪氣粗聲大誰爲爾或使莫爲疑未通潭見石屹字

分宜縣志

卷二

建置

壇廟

三十三

龍蛇大書深刻比鐘鏞事跡駭異聞天子故墓沒官
轉祀崇世否應無諛墓金鴻篇載讀憂有忡英肝義
胆豈方鐵只今猶想馬鞍從史傳不詳舊志闕見所
未見豁心胸世人自殺天自眷靈碑呵護仰元穹長
歌紀事少陵筆紛紛野史開其聾禿毫屬和更多感
幾向蒼天意未窮

袁業泗謁黃太常祠云六駕飛龍渡水濱孤忠獨往
不謀身亦知犬馬懷恩舊誰謂夷齊慕義貞一片肝
腸紅日映千秋俎豆太常新古來政要貞觀美王魏
何如得比鄰

周應治謁黃太常祠云先朝釋褐侍東宮蹇蹇常思
竭匪躬湯武一朝伸大義夷齊千載效孤忠貞標自
不磨青史正氣猶能貫白虹卻怪江河趨漸下獨留
砥柱障頽風

王素節過太常祠云國統遭離合推公正氣全身終
洪武後心在建文先大義孤懸日精忠曉顛天分宜
祠一壘今古播青編

趙遜顏過太常祠云如公節義振千秋不負科名第
一流晁錯計紆憂更切景隆薦誤恨難收一朝鼎鑊
君臣薄異代烝嘗奸宄羞最是傷心株累處還多十

分宜縣志

卷二

建置 壇廟

三十四

族入雙眸

趙穉表忠祠云祠廟當年似劫灰離離禾黍共遲徊
建文往事存忠烈正史新編仰

聖裁公論兒童知節愍貞魂墳墓動風雷溪毛滿地閒中
過彷彿靈旂閃閃來

林有彬讀黃太常傳云逐燕高飛入帝鄉當年遺恨
失東昌建文十世無徽号青史千秋有太常伏閣重
逢鼂家令稱兵猶話漢諸王可憐殺魄無歸土祇剩
崑山一寸疆

袁炳謁黃忠愍公祠云恨不謀先發兵端竟籍開拚

身無斧鉞護骨有風雷草長憐瓜蔓堂空絕燕來易
名邀 盛代懷古起人哀

袁壽齡咏黃太常云謀翦強宗志在燕平生遺恨失

金川新朝科甲無雙士歷代文章第一篇歷朝時文以洪武會

元黃子澄天下有道三句爲首見王宰皆程墨所見集人笑皇孫供燕啄天憐

碧血與牛眠精忠昔感風雷異雷揭崑山縣墓碑厚澤今逢

雨露偏乾隆欽諭忠愍

閨秀李繁月題黃太常祠云南望鈐山歸計遲表忠

傳有太常祠符離一敗同悲憤麥飯何人酬太師

龍神祠舊廟狹陋嘉慶十六年夏大旱知縣黃步堂步行詣鈐岡禱於廟並禱仰山行祠兩立應乃倡

分宜縣志 卷二 建置 壇廟 三十五

紳士捐貲撤其舊而新之春秋祭祀於此并修葺仰山行祠因作重建龍神祠記

記云韓子作雜說言龍噓氣成雲變化靈快而白香

山黑龍潭詩極言祀者之非程伯子之於茅山龍池

朱文公之於天井龍蹟亦嘗疑之然龍之爲靈昭昭

也其在經則見於易其在傳則見於春秋繁露諸書

作雲施雨儒者不容盡斥爲誣况造物之妙陰陽二

氣之靈有不可以臆決者雲漢詩之嗟旱也歸其咎

於魃謂魃尙能致旱而謂龍不能致雲雨乎則古人

雩禱之禮皆可廢而所謂靡神不舉者亦謬矣按湯

幢小品南宋時有謝緒隱金龍山赴江死爲神明祖

起兵神示夢佑助其後禱無不應施愚山獲齋雜記亦載之由是祀典始於永樂中至隆慶以後乃益盛今江淮一帶至潞河皆有金龍大王廟

皇清順治二年封黃河神爲顯佑通濟金龍四大王之神運河神爲延休顯應分水龍王之神是則人而龍也而今世奉祀者或衣冠像設臨之在上則又龍而人矣夫聖王之制祭祀也以死勤事則祀之以勞定國則祀之能禦大災捍大患則祀之此以人鬼祀也周官大宗伯以禋燎祀風師雨師以禋沈祭山林川澤此以天神地祇祀也龍之効命能使山川出雲降雨

分宜縣志

卷一

建置

壇廟

二十六

感召天和勤恤民隱是實有功烈者列在祀典宜矣分宜鈐岡舊有龍王廟每遇旱災有禱輒應邑人習以爲常歷久而貌宇傾圮歲庚午旱甚余念民生憔悴憂心如熏潔誠親禱旋卽靈雨滂沱益嘆是神之保障一邑者厥功爲甚鉅也爰出小引勸令邑人衆輸改建閱二月而工告竣每歲致祭如初因以其事之始末詳爲之記

馬神祠

在治堂東

倉神祠

在治署東

社令祠

在坊廂南壽橋南

土地祠

在治東頭門內

三皇廟

在縣署後元至元五年改建虞集記

記云國家置太常禮儀院以奉天地祖宗之祭外則山川鬼神之神典咸秩焉其長貳參佐十數人通領之典故議論屬諸博士而執禮治樂器服幣各有攸司是故千羽舞蹈之容律呂始終之奏玉帛品物之節醪醴牲殺之儀籩豆鼎俎之實升降進退之宜鬼神享格之義凡從事於斯者莫不通習而具知焉故其出爲外有司以其見聞施諸行事則有非他官所能及者若分宜縣令周君益臣自戶部吏擢爲太常

分宜縣志

卷二

建置

壇廟

三七

掾者數年歲滿宰晉甯之安邑又宰袁之分宜所以能惓惓不忘於三皇之廟祀也郡縣之祀境內山川鬼神之在祀典者有詔令則修祀焉有故則禱焉其定制通祀惟社稷與夫子我國家始建三皇之廟以祀伏羲神農黃帝自國都至於郡縣通祀爲三矣昔者分宜始奉令立三皇廟因縣簿之舊廳以爲廟在縣治之左今令居之右歲久屋壞遷神於門旣勿妥又寓神於他神之廢祠朔望謁拜與歲時祭祀守官於此者視爲故常漫不加省周令以嘗從事於太常也獨知懼焉而邑無他賦可以庀役而心無一息之

安也爲政年餘歲豐民安粗有餘力乃撤故祠新之
度故祠之基東西得一十六丈自通衢達於市深十
有二丈作開天之殿以奉三聖人刻貞木以象之容
服之飾如京廟所定殿有開天之門外有櫺星之門
殿前有三獻官之次門左爲惠民藥局右則守廟者
處焉而都宮環屬於外門作於仍改至元之五年三
月告成於八月六日嗟夫爲國之以禮者尙矣習於
其文者尙能有所感發如此况乎深知其本而得其
意者乎噫聖人之爲斯民慮者周矣醫之爲義其一
焉人之生也有形體血氣之養七情傷乎內六氣診

分宜縣志

卷二

建置

壇廟

三八

乎外與夫變異傷殘之不虞隨而掇之者其職也若
夫推本於三皇者蓋欲斯民涵咏於至和之中休休
焉以安雍雍焉以居以樂於無爲而永於天年也而
至於不識不知順帝之則豈非聖祖神宗記廟祀之
初意乎長民之君子尙因是而思焉至元五年九月
具官虞集記

孝通廟

在邑西二十里昌山渡祀龍母唐大初間宜春
合盧葺建盧肇記宋大觀二年戊子賜額曰孝

通之廟

皇清順治十五年知縣吳南岱檄

修十八年知縣朱彙修葺康熙三年巡撫督御

史董衛國捐三十金行縣建前亭六年守道施

閩章刻盧氏碑於廟左作孝通廟記袁州知府

李芳春同知夏毓龍推官鄭鼎知縣朱彙立石

雍正元年邑人張申基捐貲重修增置門樓墻

垣立孝通廟石額乾隆十八年知
縣陳大經倡建 文昌閣於廟右

唐盧肇閱城君廟記云吁天地之至蹟陰陽之元精
升降變化因時而發者惟聖人焉惟神物焉聖人理
乎陽神物理乎陰故能靈浹乎寰區功濟乎動植君
大道而不屈運元德於無窮者天之爲也夫能知天
之爲者必操乎坤輿之涯必有司宰當夫萬物不振
百姓不親虎豹虺蝮搏齧騰觸骨以冰泮害毒草靡
於斯時也天地既否雲雷將屯則有軒毓乎繞樞商
生乎元乙姜嫄履歆而后稷誕慶都夢龍而伊祁興
五精在天迭降於代是三才不理乃生聖人也聖人

分宜縣志

卷二

建置

壇廟

三十九

既生品物既盛德刑政事克傳克修其或山冢萃崩
高岸爲谷道隱乎功德隱乎奢貪敗生災風雨不若
於斯時也草木生滋胎卵殪殞則有至精下降乃生
神物既圻既偪光明蜿蟺則溫姥之毓龍義斯在矣
昔者秦毒天下鬼神乏主英精恹質潛躍失次故龍
遁乎漲海之涯託乎婺姥之室圓苞不陳霞錦相光
鱗鬣未生風雨如晦姥既毓之在手覆之以衣一夕
威靈欲震雷電皆至龍遂育焉厥後姥以母龍以子
提護縈繞如乳如嬉或游於泉或躍於澗姥方朝膳
必薦鮮鱗他年姥斲鱗於涘龍遊於仞下而尾觸錦

鋒姥駭視之則墮數尺矣因泳去於是盤天乘風出
幽入冥恍惚變化潛乎乾戰乎坤不知其往矣姥恨
其誤傷竟不復至而姥亦逾乎鮎鯢克慎厥化姥無
姻戚閩城人葬之水涯惟龍乃寓形於人衰杖如瘵
淚苦涕塊哀呼浹日謂人曰葬我母卑矣他日潮水
齧之非葬之所也其將假爾馬牛爲役以遷於塏爽
一夕風雷大至明日視之則姥之封若覆厦屋矣在
於山巔里之中牛馬皆殆不飲齧齊衰者亦亡所在
閩城人立姥及龍之像以禮祠之旣而龍降於祠堂
形類虺徙日而不見其趾尾端之枿突而圓焉其大

分宜縣志

卷二

建置

壇廟

四

小長短視無常質人或誠禮之則飲卮酒循衣繞軀
翫狎如喜其能司人禍福若有權衡度量焉自秦至
於聖唐千六百餘歲其靈不泯今乃有龍伯龍叔龍
季焉伯則舊也叔季不知何代相踵而來也今皆在
閩城元和中故宜春縣令盧府君嘗遊宦南越乞靈
於龍契乎其旨嘗夢龍伯謂之曰君將宰邑江西其
致我焉許之及太和五年歲在壬子據文標集作壬午若以通鑑紀
年考之太和五年實辛亥太和六年實壬子也府君來宜春遂立祠於邑東
昌山津右府君諱萼舉孝廉三遷爲宜春令始至遇
邑大饑令豪族以陳積周貧民故得不佻不病不橫

不流民從其化矣夫神物蒞乎陰府君之美政微龍之輔乎余於府君爲宗姪余爲兒而府君多之曰乃異日其聞乎故余始終龍姥之事及載府君置祠之旨焉姥温姓閩城人也閩城爲秦南越邑民爲文標集作謂之曰龍母龍母古矣其言甚質吾思以文之追書姥爲閩城君焉刻銘於祠之闌西云

天地何寶聖人之道天有五精爲聖迭生聖道未彌百靈奉祉惟周之湮稔毒於秦龍迷所奉棲於越人伊姥何慈惟龍克孝如持大綱示越人教涕洟封樹有禮有容豈惟神物是謂孝龍孝龍之靈宜崇宜薦

分宜縣志

卷二

建置

壇廟

四十一

巖巖此祠君子攸建有雲在山有水在川龍德永永爲民有年惟蘭斯叢惟芷斯茂龍德馥馥文標集作郁郁作爲民祐鳴鳩之飛在於灌木彼哺者烏亦謹其族龍有孝思俾民敦睦瓜紹惟瓞麥秀其歧龍錫民福子孫嗣之逐逐蹄乾汔汔檣檝龍靈可依且不爾慙龍姥之祠涖於此津千萬其祀福於袁人

悅城秦龍母墓碑原文

母温氏漢封程溪夫人唐封永安夫人又封永甯夫人宋封永濟夫人加封靈濟崇福聖妃明封程溪龍母崇福聖妃又封護國通天永濟顯德龍母娘娘

生於秦神於漢唐宋而封號極於元明故其時咸知尊戴而云然良有說也龍母之先粵西藤縣人也父姓溫字元瑞宦遊兩粵娶悅城梁氏遂家焉生女三龍母居其次生於楚懷王辛未年五月初八日生卽髮滿尺容復瑰瑋稍長遂以利濟萬物爲念每宴坐時與人語卽以水旱荒凶輒有所驗當時謂爲神女而龍母多疾病旬日不食面無改色尤善女工一日浣紗於江上得一卵大如斗其光四射攜歸護惜生五物撫愛其形放之水能取魚龍母常往觀之龍母因治魚揮尾遂去數年乃還頭角崢嶸身皆鱗甲文

分宜縣志

卷一

建置

壇廟

四十一

五色見者駭異龍母曰吾子其猶龍乎郡守奇其事時秦始皇三十六年春遣使以黃金白璧聘之望而就道舟至始安郡龍引舟還悅城使者復督舟行龍復引舟者屢還家仍以放生濟物爲樂又性善養白鹿農人惡其傷稼龍母斷其二足放之南麓一日因觀鹿渡江舟覆而溺詰朝龍母歸從者甚衆羣從者曰予從見曹姑來耳越明年以疾終遂有王秀生乘一葦至如執親喪禮畢見已築墓於南岸青旗山天忽一夕於烈風暴雨中恍若鼓樂聲號者卽移龍母墓於北岸黃旗山內遠近靡不神之遂立廟於墓左

按此碑與唐盧子發昌山廟記亦大概相同而此較詳焉於唐采明封號歷歷可稽則更補盧施二記之所未及者也

施閏章孝通廟記云分宜昌山渡之西有廟焉土人呼曰聖母問之莫知所自覽郡志得盧肇氏閩城君廟記其言頗怪云嬴秦之季有母溫氏婺且無子得巨卵於水涯襲以衣裯久之雷電交作龍出其中姥不怖駭於是姥兒育而龍母事龍日出捕魚爲母饌一日姥膾魚江上龍儻以尾觸刃斷數寸許遂驚去姥嗟恨如喪厥子後母卒里人葬之岸側龍乃人形

分宜縣志

卷二

建置

壇廟

四三

服衰經語人曰是當有水患不可以藏吾母夜大風雷陟母於山巔其封若厦屋衰經者遽失所在土人異之爲立祠旣而龍降於祠堂稍禿其尾蜿蜒變化視無常質禱祠輒應又稱龍有伯叔季三人唐元和中盧萼官南越過祠下夢龍伯語曰君將宰邑西江其禮我焉太和五年萼果來宜春遂治祠於昌山津盧氏之言大畧如此且稱爲孝龍作銘以美之曰龍有孝思俾民敦睦余讀而嘉其言袁州介在江西險僻之境舊稱蛟龍窟宅如仰山之神二蕭氏亦龍也寓形於人還自彭蠡事與此近而此特以孝見稱且

昌山峽古謂之傷山以其石齒銛厲渡舟多破溺也
迄今舟人上下恃神以無恐又若人子之事父母然
則神之孝篤其親而慈及乎民詩曰孝子不匱三錫
爾類其龍之謂歟廟當祀龍伯而舊名龍母蓋崇其
所報也盧氏改書閔城君謂母閔城人也攷方輿圖
記古越城在廣東之德慶州有溫媪墓載媪死瘞江
陰龍子嘗在墓側縈浪轉沙以成墳與盧記小異又
按揭後斯作峽江龍母祠記稱大觀二年賜額曰孝
通之廟古祠在悅城盧以悅爲閔者誤也余謂孝通
之名正而可風乃更榜曰孝通廟書其梗概仍別刻

分宜縣志

卷二

建置

壇廟

四四

盧氏碑於廟左俟博雅者並觀焉時康熙六年四月
袁州知府李芳春同知夏毓龍推官鄭燠知分宜事
朱蘊立石

林有席昌山龍母事狀辨

予邑以宋時分自宜春得名邑治上游二十里有昌
山川脈發自紅花仰中一支歷昌田至昌山起高峰
下有閔城君廟唐宜春令盧公萼所建也邑人盧公
肇字子發與萼敘族誼自稱宗姪應命爲之記而係
以銘書龍母事甚悉攷江西通志臨江府轄邑之峽
江亦有龍母祠改稱孝通廟元豐城揭公揆斯作記

皇清湖西守道施公閏章於袁州臨江吉安三郡邑皆其所轄屬康熙六年由臨江按袁州道經分宜之昌山謁神祠刻盧公閱城君舊碑記於廟闌門左援峽江例易名榜曰孝通廟復自記其巔末據揭公記稱大觀二年賜額曰孝通之廟大觀宋徽宗第三次改元之年號也通志於峽江廟書綱誤爲唐大觀攷唐無大觀之號文宗時有大和卽宜春令盧公萼建昌山閱城君廟時所書之大和五年也唐有大和宋有大觀彼此世代輾轉相訛又按施公記中言盧氏改土人所呼聖母曰閱城君謂母閱城人攷方輿圖記古

分宜縣志

卷二

建置

增廟

四十五

悅城在廣東之德慶州有溫媪墓載溫媪事與盧記小異而未明指其所以異之由今考廣東通志載德慶州秦蒲媪墓據晉康志昔有溫氏媪者端溪人於水滸得一卵大如斗持歸置祭器中經數日忽有一物如守宮長尺餘穿卵而出能入水捕魚媪一日治魚誤斷其尾遂去數年乃還始知其爲龍也媪死瘞於江陰龍子嘗爲大波至墓側滌浪轉沙以成坟與盧記所述強半不侔蓋不獨小異而已且母蒲姓而誤作溫當是沿晉康志而誤德慶舊志墓在東州一百里悅城之南一夕五龍移於北岸凡洪水湮沒過

圍皆濁而近墓數尺獨清則皆盧施二記所未及盧記復訛悅爲閔施公記已辨之矣攷孝通廟註及萬歷雜志蒲媪龍母也本蒲姓秦始皇時人別本以爲晉時人亦誤施愚山集原題孝通廟記而袁州府新志改入雜志首條記詞亦有異同下註虞山集更訛愚爲虞攷虞山係錢氏別號此一訛關係兩人尤不可以不辨卽所載盧記獨刪去銘詞不登殊爲不解本邑新志補錄良是特合併攷明詳加辨晰於篇

余旣爲此辨又得唐代劉氏恂嶺表錄異三卷首卷內龍母一條與廣東通志有同有異姑附其詞

分宜縣志

卷二

建置

壇廟

四十六

於辨後再酌其詞云溫媪者卽康州悅城縣孀婦也績布爲業嘗於野岸拾菜見沙草中有五卵遂收歸置績筐中不數日忽見五小蛇殼一斑四青遂送於江次固無意望報也媪常濯浣於江邊忽一日魚出水跳躍戲於媪前自爾爲常漸有知者鄉里咸謂之龍母敬而事之或詢以禍福亦言多徵應自是媪亦漸豐足朝廷知之遣使徵入京師至全義嶺有疾却返悅城而卒鄉里共葬之江東岸忽一夕天地冥晦風雨隨作及明已移其塚并四面草木悉移於西岸矣

甘叔異題昌山聖母廟詩云分宜古縣環清溪重岡
複嶺如奔馳行逢山斷水流處閱城廟枕山之西我
來落日在前嶺摩挲一讀盧肇碑嗟唐去今亦已久
尙餘文字光陸離云昔秦人有天下鏖戰六國愚黔
黎碭山雲氣望不見神物乃降江之婺雷轟電合助
光恠蜿蜒墮地皆羣兒赤鯀玉鮪奉鼎俎追逐甘旨
憐老慈姥先仙去環珮冷安能蟠螫從兒嬉劉累不
出浮俗隘况肯委贄羸與斯珠宮貝闕世所希銅環
十二白玉扉紉蘭作佩香披披招搖手掉芙蓉旗哀
彈清瑟和宓妃大川擊鼓勞馮葵巨魚踴躍龜鼉隨

分宜縣志

卷二

建置

壇廟

四七

蝦蟇瑣細不得追廟門開闔風颼颼千年萬載龍居
之野巫偵伺薦酒卮蕭鼓坎坎來宮祠五采不辨虺
與螭聊以幻化驚羣迷嗟我四海久望霓無復空抱
明月輝好施膏澤與六合豈止但慰袁人思歷堦酌
水致此辭退以遺誼傳於詩才慳語類論甚卑龍兮
謹勿相訶譏

曾季狸題昌山聖母廟詩云白蛇妖血腥未掃真龍
四散歸江島嶠南道上閱城邊發露光芒自神姥當
年龍爲神姥兒人耶龍耶媪未知提攜襁褓漸至大
將從嬰慕經幾時媪持刀七供晨羞誤傷兒肌血吐

流兒驚錯愕遽入水頃刻變化無停留媪方知兒是
龍子扼腕嗟呼愁不已欲爲母子復如初萬頃滄浪
隔烟水恩深恨久空纏綿媪亦鶴髮終天年里人相
率爲封樹孤墳突兀瀕江邊龍爲人形服衰麻哀哀
念母情如加自言坵壠太卑下恐爲水嚼填松沙須
史遷易寘爽塏役使山靈驅水恠路人俄見若堂封
事畢不知龍所在由昔至今過千歲媪猶廟食江之
涘道傍過者皆乞龍割牲醢酒來相繼向來健筆海
潮手爲勒蒼珉傳不朽我來摩挲三歎息文公墨妙
今希有可憐野水年年綠欲薦谿毛直可掬臨風泚

分宜縣志

卷二

建置

壇廟

四六

筆賦長歌與當廟食迎送曲嚴思濬闕城君廟尋盧
子發碑云橫江石怒鬪雷霆山川天險神所憑急峽
奔流直到海迴風一過蛟涎腥羸顛劉蹶幾興壞閭
城君廟巋然在有唐片石垂千年淋漓大筆爭光怪
傳聞龍伯隨地時蜿蜒就媪如嬰兒一日騰空生變
化出幽入冥無不爲漲海孤崖雲氣白何年婺母降
幽宅倏移覆屋占山巔一夜鞭驅牛馬力雷奔電掣
助鳴吼靜斂神功寂無有有時變幻逐虺蜴龍叔龍
季紛隨後自古神仙說謬悠參龍有氏流傳久豈知
異物自有神亦託文章同不朽我來再拜媪龍祠摩

學更讀盧公碑孝思所感天人格况是神龍相護持
雲鬢霧鬢靈容與慈鳥啞啞啄江樹回首一望失昌
山醜酒臨江出峽去

湖南張九鉞昌山龍姆歌辭六章

暴秦政荒陰陽逆蟄不胎蘇卵生廬陵谷多災龍遁
跡英精元苞畏坵塌迺置閼城温母宅迺以衣覆以
手澤蠕蠕蝦蜒產一夕龍之育兮母不驚雷電一撇
白日晶

母兮龍子若不知提之鞠之摩抄之如哺如乳如笑
嬉鱗鬣不具滑若脂或躍於淵或在池朝進溪鯽暮

分宜縣志

卷二

建置

壇廟

四九

江鮪董實劉累無慈奇龍之留兮霞覆紫沙洒燦爛
搖綿綺

天生神物化有期上帝之命焉敢違迺伺其母斲鮮
時觸其鋒銛尾則夷盤天乘風頃刻馳潛乾戰坤任
所爲江湖浩浩揚之而龍之去兮渺何許倚閼日月
望風雨

姆登鮓鮓以考終衰杖涕泗瘳厥容曰葬江澚防波
衝悅城之山鬱葱葱有楓有櫟有檜松離乎其屏坎
乎宮牛馬不郊崇哉封龍之葬兮雄以杰西江千里
一颺白

姆居祠中龍侍右明璫翠羽帔覆首芝旗蜺旌前者
後頭鋤臂鉞若不有牕櫺之變人窺否愉色婉容進
樽酒聽者子孫羅者婦龍之來兮飄以忽東山日出

西山月

山木腹雲滂不吐陰房出入風繞縷白鳳膏烟鬱鐘
鼓足踏雷霆手提雨女巫褊繻作神語低豐稔稱高
茂黍庇汝士農汝商賈龍之福兮古于今孝悌祠下
江沉沉

仰山行祠

在鈴岡之巔唐永徽間建舊傳宜春徐璠服
賈維揚永徽二年買舟歸有二書生托載自
稱蕭姓歷江湖溯秀水而上風利舟駛行一
日夜至水南二生登鈴岡顧望久之與璠別

分宜縣志

卷二

建置

壇廟

五十一

曰予家仰山之陰石梁之右子如訪我則扣
石以呼以是知二生為仰山之神後人因於
鈴岡建祠祀之明洪武初邑人李成叔重建
燬于火永樂八年知縣汪樹倡捐重建正統
九年邑人趙杞材詳記興建緣起宏治十二
年冬邑人蕭模譏鈴岡鐘記銘崇正十六年
張獻忠來寇祠宇悉毀後構數椽迥異前制
皇清乾隆二十五年知縣楊宏綱建復

祝文

邑令李元彌撰

仰維

二王神靈烜赫福我生民永鎮茲土維茲仲春禮告祀

事謹具牲帛用伸常祭

趙杞材祠記云夫神之為德不可以形聲求而可以
誠意格不可以諂媚祀而可以廟祠享蓋有一方之

人物必有一方之神爲之主宰所以捍禦一方之土地而福一方之人物焉蒙其福者可不思所以盡其誠敬之心而立祠以祀之哉袁之一郡據平吳楚之間隸乎江西之域以其山之高大而爲是郡之鎮者曰仰山仰山之神有二始未知其姓名不敢強爲之說及考志書自漢文帝時始立祠於仰山之阿以祀之矣至唐永徽二年賈人徐璠歸自維揚有二書生稱蕭姓叔字大分季字隆托載而還歷江涉湖遡秀水而上風利不可泊一日夜至水南二生登鈐岡策馬石穴卓篙泉湧顧望久之與璠語別曰家仰山之

分宜縣志

卷二

建置

壇廟

五

陰石梁之右子暇訪我盍叩石而呼以知二書生爲仰山之神矣後人於二生與璠別之處立祠而祀之曰鈐岡廟別立一祠於正廟之傍曰徐公祠以祀璠至唐元和十五年刺史韓愈以旱禱於古廟而有感應由是仰山之神靈益著其祠在堵田者曰正廟在獺逕者曰古廟在郡曰宜春臺廟在分宜曰鈐岡廟天祐間錫爵通侯叔大分積封祐德顯烈福善濟王季隆積封敷德威仁英顯康濟王廟號孚惠考妣王妃皆五字封二妃與公夫婦皆八字封錫予典册於茲爲盛鈐岡者一水自新澤而來流於山之東一

水自長壽而來流於山之西兩水夾一山於中故曰
鈴岡萬山環拱於其外一水滌洄於其前臺殿隱映
乎林木樓閣崇凌乎霄漢真神所居之地北其廟宇
自漢唐至於宋元不知幾興廢不可復識矣我朝自
洪武初邑人李成叔重建宮宇後被野火所毀邑之
人葺一小室以祀神聊蔽風雨而已至永樂八年歲
旱邑之賢令尹徽之黜縣注侯樹爲民祈禱於祠大
兩方百里以蘇吾民遂令邑之老人趙邦魯胡禮中
遍募於分宜新喻兩縣人民之賞以重建祠宇規模
壯麗固足以祀奉於神矣至於祭祀賽會蓋有古典

分宜縣志

卷二

建置

壇廟

五

古廟亦有春秋二祭鈴岡缺典前令姑蘇周侯瑛二
尹瀏陽李侯忠臨溪劉侯英判簿光化劉侯鼎長史
陳侯瑄使民春秋二仲月望日自備牲醴而祭以爲
常典後又有盧陵道人彭敬道求奉祀竭力募緣增
建觀音閣南嶽注生注祿注壽之祠於兩傍俾上足
以奉祀乎神而陰隲于下民下足以容夫官民之祭
拜而盡其誠敬之心晨夕瞻仰夫神之威靈烜赫默
運於兩間洋洋乎如在其上如在其左右無往而不
在凡民有事至誠以禱之無不感應以福於民者斯
其所以爲民之福主也古有舊碑元末兵燹之

碑所載祠之始終興廢事蹟遂皆殘毀任持廟祝黃
及坊鄉之老人遂以志書所載之事蹟告於官請勒
於石以紀夫神之靈貺而及祠之悠久與國咸休焉
并具春秋二祭之祝文迎送神之樂歲以爲常典俾勿
毀焉

蕭模鐘記銘云分宜鈴岡祠宜民之福繫焉宜民有
禱如鐘應叩其顯迹之來祀典之盛亘百年猶一日
也然祠宇日新基址愈拓皆樂善喜施無不各臻其
極惟所鑄舊鐘其重不過千斤故其聲之發不足警
居民之聽邑掾吏兵等六房一日同募緣及此乃相

分宜縣志

卷二

建置

壇廟

五三

謂曰神爲是邑之福吾等所邀福者是鐘之作宜增
其舊於是衆皆會從如出一口召匠計之須二千金
遂各捐已資以成其事工既畢命予銘之銘曰鈴岡
之高上極於天鈴岡之祠蓋亦有年蒲牢大吼其聲
大全驚乎百里徹乎八埏宜民深省早作夜眠有災
必禳有善必遷二聖孔昭顯化無邊叩之卽應若叩
鐘然善財所施不忘其賢名垂久久慶及綿綿何千
年代當永其傳後之考者觀斯銘焉

水府祠

在邑東五里 航江世傳土人李機得道歿爲水
府神洪武十七年知縣姜從道建有序
褒封航江水府神護國真人勅
嘉靖二十六年

天運悠長原資祖德國祚綿亘亦倚神功維我大明
始自太祖高皇帝洎今一十一代羣醜盡滅世食祖
德詎茲虐寇肆兇於西南幸爾李機掃氛於邊陲爾
生於元顯靈於今得大臣之疏奏覓朕筆之褒封朕
再三思維不有爾佑何由安靖爰封爾爲護國真人
封爾妻蕭氏爲一品夫人匾贈護國寧家廟鎮萬世
庇華夏於磐石之安祀享千秋鞏江山於苞桑之固
赫赫濯濯鐘聲與巽合齊宜綿綿延延水府同王朝
並永爾神忠直詔封無私祠前有亭濱江爲迎餞之
所新官登任及陞遷俱致
祭焉

分宜縣志

卷二

建置

壇廟

五四

姜從道序云余任分邑三載初不知航江有神李公
諱機字道明者緣余年近耄似續維艱自揣生平無
大過舉而素性耿介又不解禱媚每抑鬱無可與語
忽於去歲仲夏之望夕夢公飄飄若仙揖余而言曰
君勿恤來秋當舉丈夫子一余曰公何知公曰吾早
於君乎知余叩其姓氏里居公以實告須臾寤覺喜
而誌諸心今秋果舉一子因遣介訪公姓名於航江
之地公長子如珍快述公往事謂公以積學偉行不
受元之辟舉且謂有異人沿街喧肚裏饑三字予之
飯弗食如是者三日罔有解悟者先是公在時偶憑

凡臥輒神遊東湖救艦值合家試新族人同時具請
 公百千化身無不遍始震其神通即知肚裏饑即度
 李機隱語也介歸告余余曰是神也因題請於上捐
 金立祠祀之乃知神與人相感以正公未著余何求
 於公余非諂公何私於余但余有嗣非公其誰知公
 之知余有嗣而覺余其即公之正氣與余之頗近於
 正者兩相感也歟即是以而推凡為正人而有未來之
 休咎叵測者皆賴正神如公可以開物成務而指示
 朕兆於其先使人不迷於趨避也又豈獨似續一端
 云爾哉

分宜縣志

卷二

建置

壇廟

五十五

天符廟

一在縣東門外 一在野源村 一在楊橋市

許真君廟

一在城內義井巷下十步 一在楊橋市西
 一在鳳陽橋市 一在楊江市 一在桑林墟
 一在邑北洞村市 一在邑北隴坊墟
 一在邑北籃田市 一在邑北雙圖墟

康王廟

在邑南新齒市

二王廟

在邑南上雙

登場廟

在邑南防里

邑令祠

在邑南大清里元至正壬午楚文公歐陽元率
 族子所性立祀南唐宜春令殊後以元配食

學士祠

在邑南翰林承旨歐陽元

白廟

在邑南塘下

九皇廟

一在福壽橋北 一在福壽橋南

雙忠祠 在邑西北文標鄉觀光里為張巡許遠建祠後有西聖庵關帝殿

蕭相公祠 在縣西彰善鄉德崇里庾嶺上禱求輒應朝謁甚眾

莊岡廟 在邑北二十里化全鄉廟祀茅帥大王係介橋嚴姓創建

顯鎮廟 在邑西五十里紐村龍管山祀張康二王係袁嘉會袁宇廷倡建

慈雲普護廟 在邑南小芒泗水張士儀建

書公祠 在邑西二十里昌山祀兩江總督書麟事詳合邑浮橋記

滎陽祠 在邑北塘西境內祀東晉滎陽侯

靈王勝跡祠 福德祠 在邑北

三官殿 在鈴南十五里治源即古南悅寺四姓團修建

江都夫人廟 在鈴南十五里治源竿竺峯

分宜縣志

卷二

建置

壇廟

五十六

補遺

邑副貢彭錫珩過明黃大常故居云人物鄉邦祇此
公先朝殞節見孤忠可憐十族無遺類且喜千秋有
烈風古樹蒼蒼留月照荒村漠漠帶烟籠故居猶在
人何在浩氣於今貫白虹

公廨

縣署在城內南隅宋雍熙元年析宜春二萬室爲分宜
置署於江濱景祐三年知縣王揆與佐萬某吳某修
廨宇建大門長樓架閣四年春告成唐靜記記云
國朝雍熙中以袁州宜春地大民衆析二萬室爲分
宜郡東馳一會置理所於水濱水之名曰秀其流三
百里昔人詩賦多稱之景祐丙子夏苦雨水驟漲民
廬墊官舍圖籍公廨蕞蓄靡不壞實自平日規構不
圖遠其址下材用樸樾歷政者視之猶旅寓故其陋
也寢久患至而不克抹時瑯琊王君以佐著作爲之

分宜縣志

卷二

建置 公廨

宰務以道德佑其民然而遇歲凶叫饑者盈塗日與
其佐萬吳二君子周爰賑給故葺壞圖新僦工勞力
而不忍也吏有詳利病之經久可爲者集其徒與富
民議其故曰吾邑之罹水患也公宇壞旦夕居者懼
危廩儲囚繫燥涇無所避吾邑長與其佐皆仁明
固不忍徭於一丁而斂於一戶然則吾儕之倉箱僅
有積遇饑年而不知散盍捐乎萬一以助營繕與夫
修佛宮飯緇流希諸福而發其財者首之櫛去一髮
耳不亦愈乎眾曰然君與二佐悅聞之甚瘴暑之得
涼飈餒腹之遇嘉穀也一之日言風乎境內二之日

齋金粟而臻者連連莫之能禦專委吏司之出納謹其籍凡百規度稟君之風旨自是梓人獻能市巨材於山隆其址十倍於舊遠邇之饑者日傭千夫揮鍤運土殫工致力實腹而暮歸未十旬而厥工告備矣開宏東西爲二佐居揭重樓以秘勅書翼修兩廊以分吏局高廩庾以虞後患豁狃狃以副欽恤自蒞事堂卻眠正寢轍轍然至於庖廚齋閣靡微而弗具奐乎軼大壯之妙矣民始知百里之任如古諸侯之有制也或嘆曰豈水之患乎天假吾邑長因其壞而變其陋矣不然何以使人發其財而忘其吝也如是哉

分宜縣志

卷二

建置

公廨

二

又曰豈天之欲新是邑乎假吾邑長因歲凶而活其民矣不然何以日傭千夫使之無菜色也如是哉識者謂君之蓄道藏德發之以惠民豈止是而已乎若將適千里騁騏驥初舉足於莊道矣然而棟宇之設古聖人著之於經取之大壯不可謂之細務也衛文公徙居楚邱營宮室而百姓悅之故詩人美焉著於篇曰定之方中作於楚宮揆之以日作於楚室洎乎晉昭公不能修道以正其國故詩人刺焉著於篇曰山有栲櫟有柎子有庭內弗灑弗掃則詩人之美刺也刪自聖手垂世以爲法式豈誣於後之人乎若君

之爲邑知言者宜乎美矣靜夙受知於主爵清河公伯起見其取人也詳非名符於實則未始輕譽嘗謂靜曰予漕運於江西按部凡十見其政之殊者王分宜而已泮水之爲患人甚賴焉予狀其實聞于朝廷請三載成績使之輯蕪振墜則其民永永爲利果未幾詔下從之不獨彼民之幸亦予之幸也靜移疾訪醫因道出於斯見其吏之與民萬口一舌求文以永其事固知伯起之賢其知人也如是是用發其辭請刻石丁丑季春十有三日也

淳祐間知縣李宏規修元季燬於兵明洪武間知縣

分宜縣志

卷二

建置 公廨

三

張仁主簿桑以時仍舊基重建縣署宏治三年知縣曹忠新縣署正德七年知縣蕭時賓新公廳並後堂嘉靖二十四年知縣申思夔重建萬歷十三年知縣周應治重修縣廳自爲記

記云夫分宜有縣廳舊矣而修於嘉靖乙巳其後長吏輒相仍相仍以迄於今日數十年所而廳乃壞余以庚辰受命來茲非古所稱百里寄耶於時諸廢微纏當事鞅掌所以自惟則奉法宣化求稱上指使耳間有一二稍便者業已與民經始而惟是縣廳費稍重大弗遑營繕居久之廳乃壞彌甚而至於不可支

有基無壞是在長吏者則召匠計之費不下三百乃以數呈府府報可於是乃率作舉事不日而遂告成蓋以費如彼用力若此何役民若斯之易也分宜之民非昔所謂民耶昔奚而罔使則承極弊之餘其民罷於奔命而多貧窘一旦有急輒鳥跡散去不可收拾在世宗末季余蓋難言藉令今如曩時所遭民有家室弗守安能爲縣官役哉邇者天子嘉與海內更始屢厯西顧其化至牛馬遍滿郊圻自絕域窮酋皆加爵賞亦號稱極治以故故臣黃太常子澄爲邑人永樂間以弗從靖難覆宗後稍陵夷衰微今其懿孫

分宜縣志

卷二

建置 公解

四

亦有所感激人主自吳還分宜請祭田以不失先人血食余嘗訪其遺於鈴山之陽不能得今幸來歸而適置前役方竣費且有奇輒借手報之乃爲置祭田俾世世勿絕余竊不自意一舉而兩利存斯亦奇矣此余勞民固長吏之分然要以顯微闡幽則死節之義又何可少者哉顧余則所謂碌碌因人成事亦惟上之澤與百姓之力於余何有是役也始於萬歷乙酉某月某日成於某月某日而因扁其堂曰忠愛取以自勉焉至規爲制度悉准諸舊猶然仍也余是以不論論其始末

皇清順治十四年知縣張懷德重修儀門十七年知縣朱
鼎重建六房諸舍按十三年六房俱毀故建康熙二十年知縣蔡
文鸞重修雍正三年知縣譚獻策重修乾隆元年知
縣鹿聖敬重修吏舍二十一年知縣楊宏綱先後整
修二十八年知縣楊長桂倡率士民捐修正廳內署
三十六年知縣林邦琬支養廉九百餘兩重修有記
記云凡事爲於未壞之日則其爲之也猶易爲於已
壞之日則其爲之也較難今觀人之居室者高其垣
墉厚其塗墍根深本固不可動搖而後之相承者未
雨而綢繆及時而修葺所以歷數百年而堅凝鞏固

分宜縣志

卷一

建置 公廨

鬱鬱然若竹苞松茂之常在望也若公廨則不然前
之創役者苟且遷就鹵莽成功累土爲牆良楛雜用
不數年而風霜剝蝕幾於摧敗又官府同於傳舍遷
徙無常苟非棟折椽崩覆壓是懼必不肯捐已囊而
興是大役故歷年愈深折敗愈甚欲一旦起而修之
而其難不啻倍蓰也分邑治所居城之西偏山環水
抱其形勢據一邑之勝而規模之宏壯亦比之他邑
爲優然外雖可觀而其中之腐撓者所在皆然矣前
任鐵嶺楊侯長桂倡率士民將大堂一所撤其舊而
更新伐堅實之木陶膏沃之土虬梁畫棟巍然煥然

厥功鉅矣然其他則有不逮予以庚寅承乏茲土下車之日周圍環顧漏若疎網簷溜斷飛勢不可支卽銳意興作凡燕休之廳賓幕之次以及庖閤廐廝之處前後凡數十楹盡加修飾計工徵材計材徵力計力徵食寸木片瓦皆捐廉俸以爲之購覓畚築齊興削斤並用不月而告成所費白金以兩計者凡九百八十有五又以旁左倉廩暴露爲患亦於今歲之秋召匠修理折者豎墜者立費連棟接望之屹然計其所費緡錢亦百有二十餘貫是二役者前之人非不欲爲之然或爲之而力有不及也予以蒞事七載幸

分宜縣志

卷二

建置 公廨

六

值年報豐稔物力稍減乃得相度機宜及時籌畫然而左支右絀之狀亦有不可以告人者豈非爲於已壞之日其爲之較難也乎事已訖予左右環觀竊幸夙願之已酬而楊侯之所不逮者乃於今而更無餘憾也抑予更有說焉古之謀事者必先定其居公廨之設吏之所以居身者在是卽其所以居業者亦在是登其堂則思對大廷而不愧入其室何以撫幽獨而無慚至於倉廩之建民食所關上以體

朝廷愛養之心下以籌豐凶有備之道惕若乾乾方無時不切臨深履薄之懼豈得俯仰悠游圖一已之便

安也哉故予雖樂是役之有成又未嘗不惴惴然隕越之爲慮也爰濡筆而爲之記

正堂在冰玉堂前左右二間堂顏宋文康公訓屬格言曰報朝廷某事榮父母某事實百姓幾分留子孫幾分

冰玉堂左房三間右庫房一間左廡屋二間右廡屋三間

三堂在冰玉堂後宅門內左花廳二間右籤押房一間三堂內一進廳一間左右房各一間廡屋各三間二進廳一間左右房各一間右廚房一間書房前一

分宜縣志

卷二

建置 公廨

七

廳一間後一廳二間廡屋二間右廚房一間西書房前一大廳後一廳二間東廚房一間

儀門在正堂前左右吏舍共四十間

頭門在儀門前

獄禁在儀門西共七間

土地堂在儀門東

譙樓在縣署左舊名五因樓萬歷知縣鄔元會建二十八年知縣馬孟正有記

記云分爲江以西奧區衝瘠特甚又百度委廢日久予初謁銓曹探籌得分朋儕爲更相慰勞有若令不

可爲良者予亦心難之比單車入境察諸道路疑相嬉以遊亡甚窶瘠態暨抵邑治則麗譙屏楯歸然飭然擬一巨都會吏民亦罕有大頑黠扞罔不可馴者稍一鎮戢幾希乎臥理其澹澹而無爲長吏潤則政予性好也問分何以能階此僉曰此前令鄔君之所遺也於是暇而登其五因之樓進父老而謂之曰若曹知五因義乎僉曰唯唯此鄔侯之所命名也五因一曰民二曰地三曰材四曰時五曰陋也自有樓而邑治左右崇卑相仍完固翕聚民迺無陰陽之患也其初蓋亟以利病請也故曰因民也其地則卽邑治

分宜縣志

卷二

建置 公廨

八

前棄地不敢斥也月令盛德在水營繕始興龍見火見乃戒事也故曰因時也其材卽撤取邑西郭外告圮之神祠亡他繁費採取也樓頰市瞰江唯厥壯固不增置旁翼又卽其素材丹刻弗華故又曰因陋也此五因所自名也鄔侯諸所爲宜悉因也因窶病而噢咻也因剝弊而振滌也因人文否塞而作新也因孤惇而賑恤也因三老孝弟弗率弗謹而懲一二以戒千百也蓋樓之因五而諸所因凡百也諸所因百而因之心惟一也此五因所自起也父老又記樓成之明年夏苦旱鄔侯步禱邑望齋宿是樓者累日夜

夢神告之帝且移而滂沱縣令遲明語父老語次雨果滂沱下比侯以淚兩行父老且兼用爲識此其說近於語怪然非侯深心爲民民深德之何以及此語曰前事不忘後事之師予每登斯樓臨流嘯咏披襟而當南薰葢翛然有魚水相忘之意焉乃卽父老所稱述勒諸石以示觀者時萬歷庚子季冬立

皇清康熙十七年知縣林笙重修之自爲記

記云邑有麗譙晷漏存焉仰答天杓則昏旦無爽俯循民紀則作成以時其義大矣譙例爲治署之正門鈴之譙獨在署之左翼離治署數十武則自有明萬

分宜縣志

卷二

建置 公解

九

歷邑令鄔公度邑治崇卑之宜卽邑前棄地之所改建也譙面西背東左江右市仰嶺峙其前仙臺拱其後鈴峰聳翠鐘昌入望數雲樹於近遠目魚鳥之躍飛居然有樓閣臨觀之勝焉不第如碑刻所記邑治左右崇卑相稱已也予以康熙戊申來令茲邑其時昇平豐稔民物協和暇日偕僚屬登樓眺望覺景物常新而樓觀垂舊葢岌岌有將傾之勢予按馬公五因樓記爲萬歷庚子歲計斯樓之建距今八十餘年耳何以遂至是則以村取乎因當日撤取郭西告祀之神祠壯而不堅故不能垂久也予捐貲鳩工扶其

將顛葺其垂敝修理整頓幾還舊觀方一年爲康熙
戊午歲仲夏雷電震凌風雨大作閣竟傾塌無尺椽
片瓦得完者予心甚憂之念譙爲一邑大觀經始之
勞予何敢辭乃興工庀材勸士民之好義者捐棟樑
之材若干而榱桷椽壁之材則倚辦木牙所稅竹木
其他覆簷之瓦甃垣之磚則罰諸胥隸之情者至工
貲餼廩之費則予捐貲任之厥材孔良厥工孔固浹
碁而就樓上供銅身大士下祀武安王悉仍舊規鐘
鼓在懸晷漏如故兵息民安而此樓適成所謂宣
上恩德以與民休息此其時矣予蒞茲邑一紀有餘於

分宜縣志

卷二

建置 公廨

今當遷轉而其重建斯樓之始末與捐材好義及與
勞監修之姓名義當紀述以告來者爰爲文勒諸石
而刻其姓名於左工始於戊午年八月竣於己未年
十月例得詳書

教諭署舊在學宮西偏康熙間訓導陳洪疇出己貲構
屋以居雍正間教諭劉斯組捐買入公爲教諭署乾
隆三十一年教諭漆雲驥倡紳士建於明倫堂後南
向正房一進三間後圍園一所明倫堂左右各兩間
訓導署舊無定所或居舊崇聖祠或居忠孝節義祠乾
隆二十九年訓導彭世暹倡紳士建於崇聖祠後南

向正房三進六間東西書房二間廡屋二間後圍園一所

咸豐四年因 聖宮改建向南移建副學署於明倫堂右正署三進房六間傍右書房二間後廡屋四間圍園後碓屋二間

典史署在縣署正堂右

營署在縣署東正廳一間住房三間書房三間存貯軍裝火藥一間頭門並二門共一棟右邊房屋三間左邊房屋三間

申明亭在縣東

分宜縣志

卷二

建置 公廨

十一

教場舊在邑東改邑北西磯岡東嶽祠廢址亭一間毀操場在西岡上原有演武亭一所今廢布政分司舊在邑東四十步今廢

察院行臺舊在邑治東雍正九年改爲

上諭亭乾隆十三年知縣鹿聖敬捐廉創建

湖西道署舊在邑東三十五步今廢

府館明宏治五年知縣曹忠改建今廢

縣丞署舊在縣署左明天啟間裁

主簿署舊在縣署右 國初裁

安仁驛舊在湖西道東

詳驛
志

醫學舊在邑東十五步今廢

陰陽學舊在湖西道左今廢

旌善亭舊在邑治東今廢

講堂在府城鼓樓下坐南面北計一廳二間前兩廊後一廡屋圍以磚牆左至銅壺巷右至曹姓基地屋前空基前至大街後至本屋牆腳左至銅壺巷口右邊剋除陰陽學基地一間前至街後至古牆腳屋後空基前至本宅廡屋滴簷後至天符廟後大路左至牆腳右至曹姓基內有古井一口乾隆二十五年屋前空基豎造店房三間每逢歲科府院試闈邑兩庠廩

分宜縣志

卷二

建置 公廨

十一

保會講堂查閱文武童試册辦公剔弊所有店屋賃費收充公用

同治四年合邑復置施姓矮廟前屋爲廩保公所正屋二全棟傍右書房一全棟正屋後花園一所門前空基一所

公館在彬江市東坐北面南計上下二進各一廳二間前至大街後至甘姓基地左至甘宅牆右至歸化鄉圖基

試院附

考棚在教諭署東前有東西圍門門內兩曲廊達於頭

門中爲過亭以及於儀門儀門內爲東西號舍其上爲大堂堂後屋數楹爲考官校閱所棚後牆外續架棧房十間東至傅家巷店後滴水爲界西至學署直上學基爲界南至正街四五保各姓店房後簷磚牆外滴水爲界北至圍牆路外嚴姓圍基爲界又東邊傍考棚園一所東至新民坊大路爲界西至考棚回廊牆爲界南至新民坊店牆爲界北至考棚路外嚴姓基地爲界

國朝郡守朱浩新建考棚記云

士之有試所以覘經術拔通材也士庶之家其子弟佔舉窮年欲藉經術之裕以成一代之通材則必懷鉛提槩待試於縣令縣令試其文之優劣以第其名之高下而送之府府守再試而再第之學使者按臨厥郡然後試其尤者而升諸學叁年大比由鄉會試以至於

廷試凡經術素裕不愧一代之通材者咸得寄清華居顯要以佐

聖天子敷文教於天下而溯厥權輿莫不由於縣試然則縣試顧可苟焉已哉夫試之之地州郡皆設考棚編坐號所以謹關防也而縣則多於公廨以試之再四

卽不藉關防而真才亦出所慮者地狹而人眾耳分
邑山水奧區代多賢達向應童子試者人不滿千公
廨裕焉比年來文風漸盛雖操畚耒之家亦咸以
子弟不讀書應試爲恥每一縣試公廨幾於不容歲
戊辰邑紳賢士大夫毅然以建考舍爲急務醵金擇
地得城之東隅建屋若干間東西列棚號者若干所
越三年工始竣是役也倡始於前令嵩君仙圃繼嵩
君者爲黃君仲香由庶常改官縣令愛民重士有古
循吏風而是役實董其成值縣試之期雁行鱗次而
來者皆得從容於風簷寸晷間以各展其所長而主

分宜縣志

卷二

建置 公廨

十四

試者亦得扃門刻燭靜坐而釐定之誠一舉而兩得
焉夫城池堤塹倉庫廩藏學舍申亭官橋驛路皆

國家設以衛民而濟民者然而時有圯焉蠹焉或公力
尙有所待民已踴躍從之初不計其公私大小爲之
唯恐後時是固風俗人心之厚而因物力之豐而不
甚愛惜亦時或有之憶歲在丁巳戊午間秦蜀有事
親見西州官吏勸民築砦再二過之而少有所成曰
力不贍也噫力之所關大矣哉方今寰海昇平萬方
康樂袁民耕鑿之下更加意於絃誦之事如郡城之
學宮文昌宮昌黎書院府試院皆前郡守鄭松谷先

生邀集四邑之人通力合作營而新之今分邑更創
建棚號以備官廨之所不及此皆

一人之精神使之盈使之甯使之歡忻鼓舞優游於光天
化日之中經之營之出於不期然而然者也而邑之
賢士大夫既得藉是以觀厥成矣所願諸童子來試
於斯者當念

聖治之洽斯道之隆父與兄綢繆之力相與志在聖賢學
期遠大異日者寄清華居顯要輔翼

清時以經術爲治術蔚然成一代之通材將見上以答
盛世作人之雅化下以慰賢邑宰賢父兄教育人材之

分宜縣志

卷二

建置 公廨

十五

深心豈不盛哉

國朝邑令黃步堂新建考棚記云

國家以科取士士由黌宮出應鄉會試以進於

廷試莫不以縣試爲始基顧縣治雖繁富之區罕有特
置考棚者蓋其地三年始再用用亦不過旬日而又
非有學使之按臨故守土者與地之人皆輕置之臨
試則就公廨堂廡之間排列號案墻宇之隘不足以
設關防也位次之雜不足以嚴稽察也豈所以體

聖天子作人之盛意也哉分於袁屬爲最瘠而邑人士不
惜多金營基址備木石召工匠歷數年而考棚以成

有東西闈門門內兩曲廊以達於頭門中爲過亭以
及於儀門則應點之所也自闈門至此無雨雪泥滯
之患儀門內爲東西號舍號皆植石加木板坐亦如
之其上爲大堂堂極宏敞堂後屋數楹爲考官校閱
之所既精既潔蓋其規制雖郡之試院無以加焉夫
以繁富之區之所不能備而邑人士毅然爲之且又
詳審精密如此此其用心之深爲無窮登斯堂而司
試者宜何如精白乃心以務期於得人耶而爲士子
者平日講貫服習必有所以裕乎操觚染翰之原而
出其所以試於此其根柢又當何如也由是試於
郡錄於學使者於以應鄉會試以進於
廷試爲用世之學爲華

國之文仰副

聖天子作人之業化益皆以此基之凡與試於此者可以
勃然興矣是役也起於嘉慶十三年戊辰之歲宰邑
者爲長白嵩君仙圃儒學東齋卽今豐城曾君小山
西齋則新城余君寶臣與今介于婁少尹皆與經始
之計自嵩君去任後浙紹程君韻篁湘南杜君名宏
泰相繼署事並有經畫而余始於己巳歲蒞任與邑
人士相助爲理越二年而竣儒學西齋亦屢易其人

繼余君者爲新城涂君梅江比閱成則今南城梅君
圓齋可以見其役之久而工之費也至於土木之費
輸納之數捐貲與糾首者之名氏並皆勒諸石以垂
不朽是爲記

國朝教諭曾桂考棚記云

分宜考棚旣成邑紳士欲刊記勒石以昭諸來許請
予作文記其事予謂考棚之建合邑盛舉貲費數千
經營三載俾童試免搬椅抬棹之勞有從容出入之
快誠宜有以記之顧前署府事朱憲有記明府黃仲
香有記同寅梅園齋有跋更何庸我輩無文之筆贅

分宜縣志

卷二

建置

公廨

七

其間而諸紳士皆曰以我師蒞任邑學十有餘載於
是役之始終莫不賴以董率烏可獨無一言乎爰不
揣固陋質言其略焉憶自甲子仲夏予始來分斯時
長白嵩明府蒞縣事越明年諸童就試縣署日擊苦
况乃與同寅余寶臣集紳士商及創建考棚於是合
三廂三十六都同爲妥議上請嵩明府主持其事并
囑余作短引以勸幸邑人士咸自踴躍比集捐單共
得銀七千有餘由是共筮吉地諏日興工規模面北
坐南倚鈴岡而挹獅嶺襟介水而帶秀江位置得宜
乃擇木惟良取石務堅前立屏牆由東西二道入頭

門設兩廊以避風雨造過亭及儀門自儀門至於堂
長計六十弓有奇左右分列坐號大堂之後另爲閱
卷官廳旁及庖湍無不備具予思興工之後嵩明府
去任署縣事浙杭程韻篁先生在任一期有餘同寅
涂梅江亦歷任三載莫不力爲獎勸迨黃仲香先生
以庶常重望蒞任於茲愛民造士起衰救弊工雖將
成而維持激厲尤深諄切不置之至意每經縣試關
防旣密藻鑑復精邑人士罔不頌其明且公者故其
爲記津津而樂道之也抑予又有說焉天下事自有
而加修者易自無而創建者難况分宜山多田少土

分宜縣志

卷二

建置

公廨

六

瘠民窮顧能猝聚數千金成此巨舉是皆

聖天子壽考作人文治昌隆使薄海內外從風向化祛鄙
吝興文教而分邑人士尤能得運會之先者也今立
記刊石欲令後之人思始圖終共保護於弗替也則
幸甚是爲記

國朝訓導梅照璧考棚記云

嘉慶十六年辛未之冬予以司訓來莅茲土宰邑者
則山西翰林黃仲香先生正齋則豐城會小山先生
也旣與二公相見皆極道邑之人文彬雅與風氣之
淳厚而尤稱所新建考棚爲一邑盛舉予親履其地

則見墻垣之堅厚號舍之整齊規模之宏敞雖郡會
試院無以加之計土木之費不下萬緡邑人士急於
公舉經畫盡善蓋經始於戊辰之歲會君小山賓與
其議仲香明府亦相次而至比予之來而其功正告
成矣越明年仲香先生以歲科試爲士子進身之基
而平日所以裁成作育之者則又在於漸摩之有自
督率之有方乃校錄生徒百餘人按旬覲課給其飲
饌資之廩餼卽以考棚爲講院而囑余爲之主講如
是者二年於是士之尤異者亦頗卓然振拔於其間
獨惜余非其人而以忝斯任也然當風晨月夕諸士

分宜縣志

卷二

建置 公廨

十九

就號舍吟哦余爲從容評騭常相率漏三下不休蓋
自考棚之成余之游息於其中者爲日最多焉茲邑
紳士以落成旣久凡樂輸數與其用費皆當勒石以
垂諸後仲香小山兩先生旣爲之記予亦樂以數言
綴諸其後云

附載

京城袁州會館

在北京正陽門外東草廠第七條街衙

五間前後至街南牆緊連南安會館原係前明四邑

公建至明末兵變失業乾隆九年宜邑袁芳松任內
閣時因尋帝里春臺舊額乃復故業倡

京城三縣會館

在北京板章街衙道光三年宜春分宜
萬載三縣共買大小房屋并店屋三棟

計八十餘間價銀貳千五百兩分宜出銀五百餘兩
同治三年重修分宜捐銀貳百兩

袁郡學宮

道光三十年四邑分修
分宜任建崇聖祠全棟

袁郡考棚

咸豐九年四邑分修分宜任建藻鑑堂全棟
并堂後兩廊游巷及堂前甬道對面照牆午

申戌
三棚

續置郡城廩堂記

朱紳

吾邑舊有廩堂在府治譙樓下崇儒坊前其業向係
康熙辛丑年合邑購置為里遞辦公所中憲馬遲二
公講堂董其事者時則有邑紳嚴公開昶林公鳴鶴
諸先達厥後民徭豁派人藉以息而屋仍留都人士
因念廩保歲科試各竟棲止踪多四散偶有計議無

分宜縣志

卷二

建置

公廩

三

處會商甚非所以昭慎重而示畫一爰將此屋為廩
保公所居處有年棟宇傾欹甍鬣亦漸斑駁比及春
雨連綿中庭水注幾至莫為坐處兼之地勢低窪潮
氣蒸蒸床褥皆溼羣焉苦之聊加修葺其溼如故重
擬更張厥費綦浩同治丁卯春爰邀集同事細加酌
處咸欲別謀爽塏者適滇中蘇公霈芬來理是邦往
為稟商深蒙獎許首先捐廉倡舉並給發印冊挨戶
輸寫積銀若干數遂於舊基二百步外得施氏宅購
之費錢二千串有奇屋計上下兩楹傍右橫屋一所
後有花園前餘隙地規模宏敞較前改觀而舊處亦

以所餘貲重爲整理所得賃費實藉以資膏火焉然
予正有說以處此今夫義者人之所樂赴而財者亦
人之所共矜此番勸輸具爲踴躍初不稍事吝惜者
其故何哉良以廩堂爲稽查考試之所其地自宜嚴
肅事由義起故爭出所有以襄成之我輩幸享其益
則矢公矢慎以仰體邑人意者宜奚若也計惟是冰
淵自凜不爲利回不以私撓不憑權以恣肆不倚勢
而轢凌當行者亟行之不當行者遽止之輿論允協
己見不持庶此心其無負也夫今事幸告竣謹述其
緣起而爲之記

寺觀

真果寺舊在縣學左明宏治間遷於城隍廟左

咸豐丙辰燬於年

安覺院在邑東十里即西峰寺

明晦寺在邑東北儒林鄉五猴山側

錦屠蘇庵在東西寨嶺門

寶慈觀在邑東南今廢

覺雲庵今改青蓮禪林在邑東五里

上真觀在邑東相傳晉鄧真人飛昇之處明嘉靖戊午

道士楊善應等以觀左通學官募緣改建於萬年橋

南買民田培墊以作觀基建殿閣方丈居住塑像完

分宜縣志

卷二

建置 寺觀

備與延福道院相隣邑令蔡有詩

蔡文鸞詩云路轉山根草四圍石橋斜渡釣魚磯地臨

春水鴻鳴近樹帶朝陽鵲影稀道院霧沉疑虎伏禪

堂磬響識僧歸行遊到此情無極一片浮雲晃客衣

陽霞寺在十七都收村離城二十里僧募緣修造又觀

音會修置田十一畝立石紀之

永興庵在邑東北三十里尚睦僧自建

海會山在邑東北三十五里石江僧自建

善會山在邑東北三十里田南

宗遠山在邑東北二十里山村

萬滌寺在邑東北十六都萬溪
龍溪庵在邑東南四都易家橋
慈雲庵在邑東南四都

延福道院在邑萬年橋南明嘉靖戊午邑紳大學士嚴
嵩建以祀神護橋故名自爲記記云直萬年橋之南
百步許闢地築宮一區中爲堂祀元天上帝堂之後
爲閣祀三元大帝置住持道士一人主奉香火以鎮
護此橋也元天爲坎位壬癸之精天一化生受命上
帝巡行下界爲民禦災捍患號稱治世福神天地水
三官並司太極統攝陰陽而江海河源則下元所隸
云夫天地定位山川奠形莫不有神司之記曰明有
禮樂幽有鬼神先王制爲祀典自國都至郡邑通上
下貫古今祇事罔有不共予之爲此匪敢僭也匪敢
瀆也期徼神祐上祝皇釐下貽福於民生故名之曰
延福道院道院之左爲上真觀舊在城內隣於學宮
恆苦偪仄乃改建於此爽塏軒豁脫遠囂煩稱其爲
道流之居與道院實相聯峙故得附書經始於嘉靖
戊午年十月落成記作於庚申二月

法雲寺卽水南寺在邑南里許

明邑人趙錦經水南寺有感詩云寺改僧仍聚林空

分宜縣志

卷二

建置 寺觀

二

鳥有稀昔人藏寶地老衲晒禪衣代謝猶如此人間
半是非我來追往蹟長大發歎歎

國朝邑令蔡文鸞佛日謁水南寺大雨詩云天雨甘
霖知浴佛地生苦菜待餐儒書齋寂寞禪關冷一瓣
心香自問吾

邑副舉袁壽齡法雲寺夜坐示僧明通云眾生各擾
擾空門善解脫一身已贅疣何能留一髮拂厥本來
性所以名爲佛釋盡塵世累所以名爲釋獨從清淨
理進而爲寂滅將心比止水微波因風拂將心比太
虛微雲或點綴惟有此心空杳然無一物尊者須菩

分宜縣志

卷二

建置 寺觀

三

提般若者未曾說無有示法門長者維摩詰無說乃真
說諸天妙悟得不言真不二師利頓通達散花身不
着雨花坐還默何人拈花笑釋迦示迦葉

邑紳袁人伯夜宿水南寺云虛堂夜靜悄無聲耿壁
孤燈暗復明半榻茶烟遲客坐一庭花月契詩情身
依佛座心俱寂臥到禪房夢亦清陡覺晨鐘驚宿鳥
窗前聚噪報新晴

袁壽齡又宿水南寺云白雲遮不住一徑入禪林僧
少寺逾靜樹多山更深禽魚通佛性鐘磬打人心此
夕塵中念何曾半點侵

廣教寺在邑南三十里明道錄某與言水諫議鄒南臯
爲中表常雲遊抵京師從張真人建國醮神廟優給
之勅賜廣教院嘉慶二十三年庠生李兆梓重修
圓通庵在邑南四都沙溪明洪武十一年蕭和旺建
碧雲庵在邑南五都招賢鄉醴礮邑紳宋式燕詩云信
步臨高處雲崑各見招遊人何草草秋色正蕭蕭鳥
沒荒烟合風悲古木凋相看渾不厭忘卻是僧寮
邑廩生林有彬詩云萬石奔騰如逸馬高者竦霄伏
者下鞚縱馳驟復踉齧垂鬃奮鬣吸般若秦皇鞭石
塞滄海石血糊鞭痕尙在此山疑自海東來神工七

分宜縣志

卷二

建置 寺觀

四

鑿混沌改山上啼猿山下鶻陽風瀕洞捲青烟擲杖
騰空挈白雲箕踞高嘯摩青天

萬壽庵在邑南五都幕塘

巖山寺在邑南五都東坪卽普淨院

七星臺在邑南五都東坪雍正間詳請爲講約所

高峯壇卽九龍山在邑南峽石左連廬陵右界新喻壇

前屬分宜

普化寺在邑南三十五里

石礮庵在邑南六都塘下

東建庵在邑南二十里新齒

西建庵在邑南二十里新齒康熙年間僧千雲買胡克敬業

武靈峯在邑南七都施谿村

國朝邑令楊宏綱詩云武靈峯寺面重峯眼底全收萬嶺松四起寒烟迷野徑一聲清磬響天中

大慈庵在邑南七都張家畚僧靜止建

安定山即古威德寺在邑南七都禮冠佛嶺上僧定堅改建

邑廩袁人价即景詩云散步禪關外春光瞥眼非落紅三徑軟嫩綠一林肥筍長防侵路花飛欲上衣梵

分宜縣志

卷二

建置 寺觀

五

樓清淨地猶見燕雙歸

佛腦古山名危峯劈削成斷崖皆鐵色流水有銅聲路僻苔紋老風高鳥語清石寬容小憩遐想入詩情

德勝山在邑南七都鄔源院背乾隆庚辰僧應機建

鄔源院即西明山又曰法果寺在邑南七都招賢鄉營

構山水勝處為邑名剎康熙間僧眉卓重修

法雨寺在邑南七都

準提寺在邑南七都

明智寺在邑南

顯教院即顯龍庵在邑南八都淮源住持僧悉融重修

金頂峯在邑南八都長隴

金鳳臺在邑南八都桑棗舖

鷲嶺寺在邑南八都大華舊名常樂寺康熙甲申僧自
常重修

玉虛觀在邑南八都石鎮晉黃大古真人修煉於此今
觀前池內有石尙存玉女丹石四字遺跡

靜修寺在邑南八都防里洞靈觀右

洞靈觀在邑南八都防里玉華山晉建宋紹興賜額明
重修世傳晉時有一女子修煉誓言遇三玉必成丹
初至玉華山次至玉虛觀次至安福玉仙院丹成飛

分宜縣志

卷二

建置 寺觀

六

昇明懶懶道人亦居觀中以道行顯今廢嚴嵩詩云
玉女已仙去仙邱尙此中龍吟山洞雨雞舞石潭風
異代流傳久浮生夢覺同還尋煉丹處雲水夕陽空
準提寺在邑南八都防里文昌閣右

紫雲峯庵在邑南八都防里界安福歐陽鍾有賦

按紫雲庵在紫雲山頂載入府縣志書安福志並
無此山嘉慶二十四年庵燬於火防里歐陽氏楊
氏二姓紳士邀同合邑重修時有安福羅旦希蕭
天元因地界相連並附近葬有墳塚藉佔庵樹構
訟邑令曹據志斷歸分宜羅蕭不得越界妄生事

端辛巳二月十三日堂判分明又親爲之序以垂不朽

廣慶寺卽古仰嶺又名大岡山在邑南九都新興里唐尙雅祖師騎虎至此因建寺康熙癸未僧悟修重修黃老臺在邑南九都晉黃大古修煉處

按此山界連安福山下土田舊隸分宜溪水一道流入汭江分宜縣志暨府省志俱記載確鑿乾隆三年安福民李壽先等妄爭分宜周仲師李覲天康學山等連名控縣并申懇督撫均奉批分宜管理山內古庵亦分宜召僧住持安福民不得採樵

分宜縣志

卷二

建置 寺觀

七

混爭應令勒石永斷葛藤立案

白雲峯庵在邑南九都古雲寺傍住持僧術鎧等重修古雲寺在邑南八都其山乾隆三十年給領執照僧鼎月承稅

永清院在邑南九都今廢

會勝院卽寶月庵在邑南九都伏虎山下僧彷彿遠彷彿重修

慈雲寺在邑南九都鐵釘山僧映輝重建邑紳李一騶詩云曲徑尋源入洞天慈雲飛下玉池蓮石巖斑駁蒼苔冷馴虎啣花臥紫烟

迴龍庵在邑南九都天心台康熙間僧松谷達建
定心臺在邑南九都雙源趙濂詩云蘿逕黃緣上三山
信可通磬笙黃葉裏雞犬白雲中神已歸蓬閣跡猶
著武功不知御風日曾否還茲宮

寶雲寺在邑南九都上雙源寺傍有鎖石朱永州吏目
李光瓚建元有長老澈公一清能詩歐陽元雅重之
曾爲寺題疏今院廢土人猶名爲院坑

元歐陽元和一清二絕云禪板蒲團百念空坐聞宿
鳥起霜風巡堂首坐三更過師在雲山第幾峯

虎溪一笑瓓珊了不似當時剡棹回高興莫教容易
盡青鞋布襪約長來

分宜縣志

卷二

建置 寺觀

八

明邑紳李雲題寺圖詩云步雲橋上寶雲峯殿閣飛
甍接太空記得讀書來往處風光渾似畫圖中

圓通寺在邑南九都上雙密邊僧盛宗重建

朱家坳在邑南九都

金蓮山庵在邑南九都巖渚

龍鳳庵

西岐觀

俱在邑南九都漳源

順濟庵在邑南

真聖觀在邑南十都化全鄉山口

聖賢堂在邑南十都大和里

南嶽堂在邑南坐落無考

棲真院在邑南十都山田

棲鳳寺在邑南十都招賢鄉乾隆甲子僧穎奇建了達

重修

源慶庵在邑南十都長富

觀音巖在邑南十都

菩提庵在邑南五都下坊

聚龍庵在邑南六都南山

分宜縣志

卷二

建置

寺觀

九

鷲嶺寺在邑南七都鄔源村僧曙遠建

龍霞山在邑南斜江坑內僧勝宗自建

金龍山在邑南四十里東溪雍正癸丑僧道堅建

鳳山庵在邑南九都荷花灘僧常行自建

按此庵道光二年張經綸因庵原買張啟承之業

冒姓涉訟邑令龔判歸住持僧管業

聚龍庵在邑南九都康熙三十九年僧問雪建

天心台在邑南九都乾隆丙戌僧口輪重建

慈岫庵在邑南九都康熙丁丑僧林悟建

大慈龍霞庵在邑南七都斜江村

雲谷山在邑南十都高坑

天池山在邑南十都富嶺

真定庵在邑南十都坊上村

隱龍庵在邑南十都茅庵

慧源庵在邑南十都坊上村

寶慧山在邑南十都長溪村

迴瀾山在邑西江斜村

雪峯山即苑山在邑西十三都東坑僧鏡水自建

聚雲庵在邑南山田村

獅子山在邑南十都地名河坑嘉慶丁巳僧孔莊建

分宜縣志

卷二

建置 寺觀

十

普惠庵在邑南十都冶源村

莊頭院在邑西十三都莊頭村今改為民房

鈴西寺在鈴岡西邑紳張嗣載詩云匝地青青遶翠蘿

嗟峨四裏一雲窩林空偏惹松聲大
路曲還添竹影

多好鳥歡從花外語
暗泉淒向石邊過
塵襟到此全

清滌間證禪心五十那

邑選貢袁汝璧鈴西訪巖景
超云之子青巖畔
參天

古樹芬聞鐘始辨
寺穿徑欲飛雲
山石老敲戶
夕陽

斜到門嚴遵方注
易偏讀首探文

觀音閣在邑西三里

福勝寺在邑西五里吳寶鼎建唐武德間名齊隆宋黃庭堅有記今廢

宋張栻詩云朝宗秀水琉璃碧擁縣高山翡翠青三峽原稱天下險五臺端是地中靈羊腸紫棧平如砥魚貫朱甍巧似屏中有神仙來作牧斗南夜夜煥台星元虞集詩云江頭說與老僧知玩水觀山豈定期白髮自來無處所黃花更老不嫌遲爐烟遶座寒留宿缺月窺禪夜誦詩惟有峽中三石徑千年幾度見來時僧一初和云老卻黃花客未知回舟旬日漫相期龍江話月啣杯久獼徑看雲步履遲天地長

分宜縣志

卷二

建置 寺觀

十一

懸司馬記山川有待杜陵詩錦囊收拾同誰讀側耳蛩聲入思時

西竺庵在邑西十里

邑紳李簡詩云到來清淨地便自得禪心戶列峯巒秀堦垂竹樹陰佛光浮月色魚響雜禽音喜接廬山趣還將惠遠尋

南岫庵在邑西五十里其山上下兩庵境極幽邃爲邑名藍上曰長興庵下曰福慧庵

邑選貢袁汝璧詩云沿洄經數里路盡寺門開流水澗中出白雲深處來籬邊孤犬吠野外一僧回問我

因何至名山訪古臺

邑廩林有彬詩云木落風高萬壑哀長空幾點雁飛
迴乾坤睥睨排空去吳楚山河入望來緲緲仙蹤悲
浩劫年年佳節想登臺穿松日暮尋幽徑月照疎林
把酒杯

興隆庵在邑西五十里紐村袁宇廷建

水月庵在邑西五十里紐村前殿為華陀神醫祠嘉慶四年

袁裕琳因貧難延醫者自廣東省九龍坊古祠敬請
方書塑像崇祀遠近求方全活無數人皆德焉

智林寺在邑西化全鄉

仁濟寺在邑西

分宜縣志

卷二

建置 寺觀

清真寺在邑西遵化里

延壽寺在邑西德崇里

迴龍庵在邑西北文標鄉建溪里

青蓮庵在邑西北文標鄉柳東里

萬壽庵在邑西北文標鄉觀光里

感慈院在邑西挺秀鄉

福真院叢林

烟堂觀在邑西挺秀鄉

雲龍庵在邑西三十里盧塘

東印庵在邑西二十里

石礮庵在邑西四十里彰善鄉寺前老柏中心一枝形如羅漢殆千餘年物也
南城庵在邑西袁嶺

紫霞觀在邑西挺秀鄉新安里

福真寺在邑西四十里楓坑明末三五七八甲建

秀峰山在邑西四十里楓坑康熙年間三五七八甲建

紫雲山在邑西四十里翁坑康熙年間李大春建

慈惠庵在邑西五十里洋江乾隆己巳年建

文昌閣在邑西二十四都禮教坊

毓秀庵在邑西二十四都香火田共計拾畝殿宇二棟

天護庵即金盆寺在邑西二十四都寨嶺

分宜縣志

卷二

建置 寺觀

十三

吉祥寺在邑北化全鄉介橋紫霞山殿閣宏偉爲邑叢林

金粟庵在邑北化全鄉介橋袁嶺二峯之北

高林庵通志作高嶺舊名祝聖禪林在邑北白水稍嶺唐時

建世傳唐慧禪師坐化於此古條山藏覺庵諸名僧

皆托跡焉旁建文武帝君祠有獅子巖老虎樓天馬

屏棋盤石木魚案半山泉諸勝

邑紳林鳴鴻春初登高林次壁間韻詩云春來乘興

漫扶筇曲徑幽源次第通清磬一聲高澗落香臺猶

自隱中峯 僊姿無復見天台劉阮何須今又來怪

得多情留憩處空餘桃杏爲君開

福來寺在邑北黃丹源僧海震建明智重修

興隆庵在邑北五里

泰來寺在邑北僧明智建

妙嶺庵在邑北旌儒鄉弓江里節公山

惠林寺在邑北

瑞相寺在邑北陳雷里

不二寺在邑北宣德里

慈勝寺在邑北德興里

淨居寺在邑北

分宜縣志

卷二

建置

寺觀

十四

妙圓寺在邑北清教鄉

慈仁寺在邑北旌儒鄉東陽里

馬福庵 石澗庵

俱在邑北清教鄉桃源里

薦福寺在邑北清興里

林有彬詩云芝山疊翠遶湖濱刹古牆高薜荔春老
木墳荒嘯狐狽寒烟碑斷臥麒麟天心豈不惜神物
世令無端悲劫燐欲向溪南訪遺事臨風千載憶斯

人

覺安寺在邑北

寶慶寺在邑北上樂里

朝源庵 永興庵 僊姑廟

俱在邑北文標鄉顧村里

法安寺在邑北彰善鄉

極樂寺在邑北德全里

全僊寺在邑北

德化寺在邑北江下里

勝因寺在邑北陳雷里即雞足山寺舊為陳重隱處建

崇法院 壽昌院 廣化院

俱在邑北無考

分宜縣志

卷一

建置 寺觀

十五

安淨寺在邑北甯安里

崇化院今圯

崇真院在邑北有清泉今圯

集聖院今圯

惠照院在邑北

紫炁觀在邑北介橋紫霞山吉祥寺左

崇道觀在邑北清教鄉

清源寺在邑北二十一都

仙獅嶺軫南山廟在邑北係花苑里袁國贊建

護教寺在邑北二十八都地名楊橋一三五七九甲建

乾隆十八年五比番眾將贖寺差田共計三十二畝
半共糧九錢四分五釐及寺宇上下三棟並四圍山
場土畚蔭塘附與僧修習住持充差管理又與九甲
朋差一月

青蓮寺在邑北二十七都樓下

西聖寺在邑北二十七都觀光

三軍庵在邑北二十七都泉坵

迴龍寺在邑北二十六都張家坊

惠慶尊王古祠在邑南薯源東至社右處

妙樂寺在三十一都旌儒鄉清涼山俗名山背院宋咸

分宜縣志 卷二 建置 寺觀 十六

涓僧應通建

觀音堂在大北門城樓乾隆初邑增生張炳文倡建五

十五年里眾重修知縣黃維綱題額北拱天樞

萬壽庵在邑西北三十里田南順治十八年僧朗默募建嗣後僧來青重修左

三官殿后為講經精舍文昌帝君祠本境袁燹叙堂紳士等捐助僧性謙建

蓮花庵在邑西六十里車田夏惟顯建

叢林寺在邑北八十里石塘砥柱

雲會庵

在邑北塘西東陽里

西方庵

在邑北塘西東陽里

順天台在邑南九都桐江口鄉紳彭啟昆捐田三畝以

奉香火

育嬰堂在縣治倉廩左附

養濟院在西城外附

漏澤園

一在邑治北門外官塘西環約三百丈宋邑令鄧友龍立一在邑東水南芒陂上環約三百餘丈一在水南西上真觀背環約百餘丈府志

分宜縣志

卷二

建道 寺觀

七

